

國醫萬病自療叢書

皮膚病

上海大眾書局印行

國醫

萬病自
療叢書

皮膚病

例言

- 一、本書文字淺顯。撰句簡潔。極便一般人士之閱讀。或醫士之參攷。
- 一、本書不侈高深。不論空理。在在以實能應用爲歸宿。一切詭異奇僻不近人情者。俱不錄入。
- 一、本書分頭面部。四肢部。全身部。關於皮膚所患各症。莫不列入。末附美容術數十則。具改造皮膚上瑕點。效驗甚著。
- 一、本書每病先述病狀。使人人皆得見其病狀而追求其病因。更考其病因而施以治療。則方無不效。病無不除。
- 一、本書各病附有單方。蓋濟世之書。持者如根。本治療。尙以參閱處方爲要。

編者識



萬病自
療叢書

皮膚病目次

A

頭面部

油風	一
白屑風	二
禿瘡	三
面遊風	五
面生黑斑	六
黑痣	八
戀眉瘡	一〇
眉風癬	一〇
粉花癬	一一
肺風粉刺	一二

唇風

.....

一三

繭唇

.....

一四

B 四肢部

鵝掌風

.....

一五

手發背

.....

一七

血瘋瘡

.....

一八

濕毒流注

.....

一九

青蛇頭

.....

二〇

狐尿刺

.....

二一

腿遊風

.....

二二

腎氣遊風

.....

二三

臙瘡

.....

二四

鑿漏

.....

二七

C 全身部

四彎風	二七
牛程躑	二八
臭田螺	二九
雞眼	三〇
斑疹	三二
奶癬瘡	三四
天泡瘡	三五
血風瘡	三七
痲子	三九
丹毒	四〇
大痲風	四三
疥瘡	五一

白駁風 五五

癬瘡 五六

白赤遊風 六二

紫白癜風 六四

漫淫瘡 六五

犬赤瘡 六六

白疔 六八

疔瘡 六九

烏白癩 八一

癩瘍風 八四

附錄

美容術

美容 八五

雀斑	八五
粉刺	八七
酒皸	八七
面上黑氣	八八
面上癍痕	八九
千層瘡	八九
黧黧	八九
髮落重生	九〇
髮槁不澤	九〇
令髮長黑	九〇
年輕白髮	九〇
沐髮令香	九一
頭皮屑	九一

頭虱

.....九二

美眉

.....九二

口臭

.....九二

唇裂

.....九三

嘴角瘡

.....九四

美髯

.....九四

腋臭

.....九四

汗斑

.....九五

汗臭

.....九五

龜裂

.....九六

瘦手使肥

.....九六

指上肉刺

.....九七

雞眼

.....九七

足上生繭	九七
足上臭汗	九八
足冷如冰	九八
嵌甲作痛	九八
足丫奇癢	九八
遠行足趺	九八
遠行健步	九九
痣	九九
豎頭肉	九九
白癩風	一〇〇
紫癩風	一〇〇
癩疥	一〇〇
癬	一〇一

牛皮癬	一〇一
荷葉癬	一〇二
鱗屑癬	一〇二
梅花癬	一〇
咬花癬	一〇二
風疹	一〇二
癩子	一〇三
漆咬	一〇三
坐板瘡	一〇四
凍瘡	一〇四
兩腮赤腫	一〇五
面浮油	一〇六
眉上生瘡	一〇六

眉毛不生

一〇六

唇疔

一〇六

唇菌

一〇七

繭唇

一〇七

口乾

一〇八

口瘡

一〇八

脾熱口角流涎

一〇八

灌甲初起

一〇九

油灰指甲

一〇九

手指掌厚

一〇九

國醫 萬病自 皮膚病

茹十眉醫士編著

門人鄭庭楨恭錄

A 頭面部

油風——白屑風——禿瘡——面遊風——面生黑斑——黑痣——懸眉瘡——眉風癬

——粉花瘡——肺風粉刺——唇風——滿唇

油風

【病狀】此症俗名鬼剃頭。西名圓形禿病。初發頭癢如蟲行。毛髮忽然脫落。其形頗圓。試檢視該部。則覺光滑色白或稍帶紅。無鱗屑亦無皮疹。此圓形之禿髮部。漸次向周圍蔓延。經六個月至十個月之久。有完全變爲禿頭者。甚或眉毛。睫毛。鬚髯。腋毛。陰毛以及軀幹四肢之毳毛。亦皆漸

【病因】由毛孔開張。邪風乘虛襲入。風盛而燥。血不能榮養毛髮所致。

【治療】宜內服神應養真丹以治其本。外以海艾湯洗之以治其標。若耽延年久。宜鍼砭其光亮之處出血。毛髮庶可復生。

一 神應養真丹

羌活 木瓜 天麻 白芍 當歸 菟絲子 熟地(酒蒸搗膏) 川芎
右各等分爲末。入地黃膏。加蜜。丸如梧子大。每服百丸。酒或鹽湯任下。

二 海艾湯

海艾 菊花 葦木 蔓荊子 防風 薄荷 荆穗 藿香 甘松各二錢
右水五六碗同藥煎數滾。連湯共入廠口鉢內。先將熱氣薰面。候湯少溫。用布蘸洗。日洗二三次。洗後避風忌魚腥發物。

□ 白屑風

【病狀】白屑風多生於頭面耳項髮中。初起微癢。久則漸生白屑。疊疊飛起。脫之又生。

【病因】由肌熱當風。風邪侵入毛孔。鬱久燥血。肌膚失養。化成燥症也。

【治療】宜多服祛風換肌丸。若肌膚燥裂者。用潤肌膏擦之。甚效。

一 祛風換肌丸

大胡麻 蒼朮(炒) 牛膝(酒洗) 石菖蒲 苦參 何首烏(生) 花粉 威靈仙各二兩 當歸身 川芎 甘草各一兩(生)

右爲細末。陳酒煮。跌丸棗豆大。每服二錢。白滾水送下。忌魚腥發物火酒。

二 潤肌膏

香油四兩 奶酥油 當歸五錢 紫草一錢

右將當歸紫草入二油內。浸二日。文火燻焦。去渣。加黃蠟五錢。溶化盡。用布濾傾碗內。不時用柳枝攪冷成膏。每用少許。日擦二次。

□ 禿瘡

【病狀】白禿之候。頭上白點斑剝。初似癬而上有白皮屑。久則生痂癩而成瘡。遂遍頭皆是。瘡孔如筋頭大。裏有膿汁出。不痛而有微痒。內有蟲甚微。自小及長不瘥。頭髮禿落。此症俗名錢癬。又名肥瘡或癩頭瘡。多生小兒頭上。

【病因】此瘡乃臟腑不和之氣上沖。血熱之毒上注。小兒陰氣未足。陽火有餘。故最多犯之。亦有由胎毒或飲食之後。油手摩頭及枕頭不潔而成者。

【治療】初起宜擦肥油膏。用久則效。已成禿瘡者。先宜艾葉鷓鴣糞煎湯洗淨瘡痂。再用豬肉湯洗之。隨擦躑躅花油。以殺蟲散風。蟲死則癢止。風散則髮生。血潮則肌膚潤。久擦甚效。兼內服防風通聖散亦宜。

一 肥油膏

番木鱉六錢 當歸 藜蘆各五錢 黃蘗 苦參 杏仁 狼毒 白附子各三錢 鯉魚胆兩枚
右用香油十兩將前藥入油內。熬至黑黃色。去滓。加黃蠟一兩二錢。溶化盡。用布濾過。罐收。每用少許。用藍布裹於手指。蘸油擦瘡。

二 躑躅花油

躑躅花根四兩

右搗爛。用菜油一碗。燥枯。去滓。加黃蠟少許。布濾。候冷。青布蘸擦。日用三次。氈帽戴之。勿令見風。

三 防風通聖散

防風 當歸 白芍(酒炒) 芒硝 大黃 連翹 桔梗 川芎 石膏(煨) 黃芩 薄荷 麻
黃 滑石各一兩 荆芥 白朮(土炒) 山梔子各二兩五錢 甘草(生)二兩

右共爲末。每服三錢。白湯下。

四 單方

槐條煎湯洗淨。以煙膠。枯礬。輕粉研細。熱油調搽。(啓玄)

肥皂子煨存性。研末。豬胆汁調搽。(瘍醫大全)

松香。血丹各等分。研細。豬板油搗汁。青布捲條燒之。取油搽。(良方)

面遊風

【病狀】此症生於面上。初發面目浮腫。癢若蟲行。肌膚乾燥。時起白屑。細如魚鱗。次後極養。抓破。濕熱盛者津黃水。風躁盛者津血。痛楚難堪。

【病因】此由積熱在內。或多食辛辣厚味。或服金石剛劑太過。以致熱壅上焦。氣血沸騰而作。屬陽明胃經。

【治療】癢甚者。宜服消風散。痛甚者。宜服黃連消毒飲。外抹摩風膏。緩緩取效。

一 消風散

荆芥 防風 當歸 (生地 苦參(炒) 蒼朮(炒) 蟬蛻 胡麻仁 牛蒡子(炒研) 知母

(生) 石膏(煨)各一錢 甘草(生) 木通各五分
右水二鍾煎八分。食遠服。

二 黃連消毒飲

蘇木二分 甘草三分 陳皮二分 桔梗五分 黃芩五分 黃蘗五分 人參三分 薊本五分
防己五分 防風四分 知母四分 羌活一分 黃芪二錢 澤瀉二分 當歸尾四分
右水煎。食遠服。

三 摩風膏

麻黃五錢 羌活一兩 白檀香一錢 升麻二錢 白芨一錢 防風二錢 當歸身一錢
右用香油五兩。將藥浸五日。文火燻黃。即撈去渣。加黃蠟五錢。溶化盡。用絹濾過。攪冷。塗抹瘡上。

□ 面生黑斑

【病狀】女子面生鰲黑斑點。色枯不澤。

【病因】此乃水虧不能制火。血弱不能華肉。以致火爍結成黑斑。

【治療】治當朝服腎氣丸以滋化源。早晚用玉容丸。玉肌散。改容丸。或玉盤散等

藥洗擦。自退。仍戒憂思動火勞傷等事。

一 腎氣丸

乾地黄八兩 乾山藥 山萸肉各四兩 丹皮 白茯苓 澤瀉各三兩 桂枝 附子各一兩
車前子 牛膝各一兩
右爲末。煉蜜丸。如桐子大。酒下十五丸。

二 玉容丸

甘松 明天麻 藁本 北細辛 白蘇 白殭蠶 防風 山梔仁 川椒 香白芷 荊芥 蜜
陀僧 山茶 枯白礬 白芨 檀香末 羌活 甘菊花 獨活各一錢 紅棗肉七枚
右共磨細末。用去淨弦膜肥皂一筋。同槌作丸。如秋冬加生蜜五錢。如皮膚蠱積加牛骨髓三錢。早晚
洗之。肌膚自然瑩潔如玉。溫潤細膩。

三 玉肌散

白附子 白芷 滑石各二錢
右加菘豆半升。研細。每用三匙。早晚洗面。

四 改容丸

大貝母(去心) 白附子 菊花葉 防風 白芷 滑石各五錢
右共爲細末。用大肥皂十莢蒸熟。去筋膜搗丸。同藥作丸。早晚擦面。

五 玉盤散

白牽牛 甘松 香附 天花粉各一兩 藁本 白蘇 白芷 白附子 宮粉 白芨 大黃各五錢

右用肥皂一觔槌爛。用藥和勻。每日擦面。有效。

六 單方

白殭蠶黑牽牛各二兩。北細辛二兩。研細蜜丸。彈子大。日洗數次。一月後其斑自退。

□ 黑痣

【病狀】此症生於面部。形如黴點。小者如黍。大者如豆。比皮膚高起一線。有自幼生者。亦有中年生者。

【病因】此腎中濁氣。混滯於陽。陽氣收束。結成黑子。堅而不散也。

【治療】宜點取痣餅或取醫藥。內服地黃丸以滋腎水。則取效更速。

一 取痣餅

糯米百粒 石灰拇指大一塊 巴豆三粒（去殼研）

右末入磁瓶。同窰三日。以竹簽挑粟許點上。自然蝕落。

二 取醫藥

風化石灰一兩 花碱半兩

右爲細末。上三次。天冷濕用。

三 地黃丸

乾地黃八兩 乾山藥 山萸肉各四兩 丹皮 白茯苓 澤瀉各三兩

右爲末。煉蜜丸。如桐子大。酒下十五丸。日再服。

四 單方

糯米七粒。搗爛。石灰和勻。挑破點之卽落。（瘍醫大全）

水蛭一條。雞子一枚。開雞子小頭。納水蛭。以皮兒蓋合封之。直至水蛭食盡雞清。乾盡自死。頻點痣上。

自愈（驗方）

戀眉瘡

【病狀】小兒生後眉間如癬。流脂成片。搔癢不絕。名曰戀眉瘡。又名鍊眉瘡。

【病因】此因兒在胎中。母食五辛。父殮炙燂。遺熱與兒所致。

【治療】宜用精義方。或豬髓膏搓之即愈。

一 精義方

百藥煎五錢 生白礬二錢

右研細。麻油旋調搓之。

二 豬髓膏

煙膠 輕粉各一錢 川椒五分

右用豬骨髓熬熟調搓。

眉風癬

【病狀】初起兩眉作癢。搔之纍纍流脂。蔓延額上。或眼胞。遂致膿水淋漓。經年不

愈。

【病因】乃因肝血枯燥。風濕外襲而成。

【治療】治當養血滋肝。不得妄用斑猫砒礞猛厲燥烈之藥搓擦。祇宜紫茸膏塗之自愈。

一 紫茸膏

紫草 白芷各二錢 歸身五錢 甘草一錢

右用麻油二兩同熬。白芷黃色爲度。濾清加白蠟輕粉各二錢。取膏塗之。

二 單方

黃連三錢。研末。以麻油調塗碗內。用斬艾燒煙薰色。入皂礬豆大一塊。輕粉小許。研勻塗之。

□ 粉花癬

【病狀】婦女面生粟癩。或痛或癢。旋滅旋起。

【病因】多因火浮於上。或好搽鉛粉。鉛毒所致。兼有慾後汗出。迎風揮扇而生。

【治療】宜用粉花瘡散逐朝搽面上。自愈。

一、粉花瘡散

鉛粉五錢 輕粉五分 枯礬三分

右研勻。菜油調稠。塗磁碗底內。外用蕪艾一兩。放炭火上燒煙。薰碗內。待艾盡爲度。覆地上出火毒。逐朝搽面。

二、單方

乾荷葉揉碎。每用五分。每日沖滾湯服之。久服自消。(驗方)

□ 肺風粉刺

【病狀】此症又名穀嘴瘡。每發於面鼻。起碎疙瘩。形如黍角。色赤腫痛。破出白粉汁。日久皆成白屑。形如粟米之白屑。

【病因】由肺氣不清。受風而生。或冷水洗面。熱血凝結而成。

【治療】切忌搔手擠。宜內服清肺散。外擦滅癩丹或顛倒散。緩緩自收功也。

一 清肺散

連翹 川芎 白芷 黃連 苦參 荊芥 山梔 黃芩 貝母 桑白皮各一錢

右爲粗末。河水煎服。

二 滅癩丹

輕粉 白附子 黃芩（微火略炒） 白芷 防風各等分
右研細末。蜜丸。於每日洗面之時。多擦數次。臨睡之時。搽於面上。

三 顛倒散

大黃 硫黃各等分
右研細末。共合一處。再研勻。以涼水調敷。

四 單方

搗兔絲子絞取汁塗之。（肘後方）

以無灰酒於砂鉢內磨鹿角尖濃汁。敷患處。（驗方）

□ 唇風

【病狀】下唇名曰驢嘴風。上唇名曰魚口風。初起發癢作腫。破裂流水。不疼難愈。
【病狀】此因陽明胃火上攻所致。

【治療】宜內服地黃丸。外以井華水常潤之。復以芒硝末塗之。

一 地黃丸

乾地黃八兩 乾山藥 山萸肉各四兩 丹皮 白茯苓 澤瀉各三兩
右爲末。煉蜜丸。如桐子大。酒下十五丸。日再服。

二 單方

大黃頭磨水塗之。有效。(良方)

□ 繭唇

【病狀】此病腫起。白皮。皴裂如蠶繭。故命名曰繭唇也。始起一小瘡如豆大。或再生之。漸漸腫大。合而爲一。約有寸厚。或翻花如楊梅。如疙瘡。如靈芝。如菌。形狀不一。甚則作痛。飲食妨礙。或破流血。久則變爲消渴。消中難治之證。

【病因】皆由六氣七情相感而成。或心思太過。憂慮過深。則心火焦熾。傳受脾經。或食醃酒厚味。積熱傷脾。而腎水枯竭。以致之。

【治療】宜內服甘露飲。外搽生肌散。如日久流血不止。形體瘦弱。虛熱痰生。面色

鰲黑。腮頰紅現。口乾渴甚。俱爲不治也。

一 甘露飲

犀角 生甘草 生地 銀柴胡 枳殼 麥門冬 知母 枇杷葉 黃芩 釵石斛 茵陳各一錢

引用淡竹葉七片。燈心十根煎服。

二 生肌散

花蕊石(醋煨) 兒茶 雞內金 血竭各二錢 大紅絨(煨灰) 黃連 飛丹(煨) 乳香各一錢

右共爲細末。加冰片一分。乾摻。

B 四肢部

鵝掌風——手發背——血瘋瘡——濕毒流注——青蛇頭——狐尿刺——腿遊風——
腎氣遊風——臙瘡——鱧漏——四癩風——牛發瘡——臭田螺——鷄眼

□ 鵝掌風

國醫皮膚病

鵝掌風

上海大衆書局印行

【病狀】手掌皮膚枯槁。初起紫斑白點。久則手心皮膚枯厚。破裂不已。

【病因】此乃手陽明胃經火熱血燥。外受寒涼所凝。或時瘡餘毒未盡。亦能致此。

【治療】宜用二礬湯藥洗。或用濟生膏藥攤貼。不久自愈。

一 二礬湯

白礬 皂礬各四兩 孩兒茶五錢 柏葉八兩

用水十碗。同上藥煎數滾。候用。先以桐油搽抹患處。用桐油紙燃點著。以烟焰向上薰片時。將煎湯乘滾貯淨桶內。患手上。以布蓋得湯氣薰之。勿令泄氣。待微熱。傾入盆內。藥洗良久。一次可愈。七日手忌下湯水。永不再發。

二 濟生膏藥

蒼耳葉（嫩頭）各四兩 血餘三兩 鹿角屑（生刮） 絡石 虎骨 百部 茜草 剪草各二兩
人指甲五錢 穿山甲 羌活 龍骨 麻黃 蘄艾 威靈仙各一兩

右用麻油一斤。同熬至滴水不散。絞去渣。離火再下鉛粉四兩。銀硃四兩。黃蠟二兩。乳香二兩。和勻。磁器收貯。臨用。隔湯燉化攤貼。

三 單方

鮮嫩芭蕉葉煎洗十餘次即愈。(驗方)

蘼艾四五兩。水煎。入大口瓶內。上用麻布蓋之。以手心放瓶口薰之。冷則換熱。再薰數次即愈。(良方)

□ 手發背

【病狀】此症生於手背。初起形如芒刺。漸覺疼痛。高腫紅活。焮熱潰速爲膿者順。若漫腫堅硬。無紅無熱潰遲爲疽。其證形勢大小不一。但潰深露筋骨者難痊。

【病因】乃心肝二經。風熱相乘。氣血壅聚而成。

【治療】宜外敷紫桐散。或內服呂氏祕方則愈。

一 紫桐散

梧桐葉(鮮者搗爛。或初秋採取陰乾。)紫花地丁各等分。
右研細。砂糖調敷。

二 呂氏祕方

生甘草 炙甘草 大貝母各五錢 皂角刺(土炒) 穿山甲(炒黑) 知母各二錢五分 半夏
一錢五分

右薑引。酒水同煎。二劑全愈。

血瘋瘡

【病狀】血瘋瘡多生在兩小腿裏外。腫上至膝下至踝骨。初起搔癢無度。破流脂水。日漸沿開。形同針眼。

【病因】此症乃風熱血熱交感而成。

【治療】初起宜用烏藥切碎。以屋上陰陽瓦焙爲末。醋調。以雞翎掃上。一二次即消。已成者。則宜用潮腦膏或隔紙膏搽貼。亦有應效。

一 潮腦膏

黃連一兩 白芷五錢 輕粉 川椒各三錢 潮腦二錢

右共爲細末。用熟菜子油調稠。攤在一個大碗底上。倒合。將瓦高墊。用艾四兩。揉作十團。燒烟薰碗底。上藥如油乾。再添油拌。再薰。必待艾盡。乘熱搽在患上。外用油紙草紙包之。次日即消。不過三宿全好。

二 隔紙膏

麻油半觔。文武火熬。入白蠟一兩。黃蠟二兩。又熬。離火下飛丹二兩。攪勻。入乳細蘆甘石。乳香。沒藥。血竭。兒茶各五錢。輕粉三錢。冰片一錢。作隔紙膏貼之。

三 單方

蜜陀僧研末。多年陳竹燈掛燒灑下油調搽。(驗方)

土黃連一兩。花椒七粒。食鹽二錢。胡椒陳醋浸搽。(驗方)

□ 濕毒流注

【病狀】此症生於腿脛。流行不定。或發一二處。瘡口形似牛眼。根脚漫腫。輕則色紫。重則色黑。潰破膿水。浸損好肉。日久不斂。腥臭異常。

【病因】因脾胃虧虛。濕熱下注。以致肌肉不仁。而成此瘡也。在外屬足太陽少陽經。在內屬足厥陰太陰經。

【治療】初起宜服分濕內化湯。已成者。宜用分濕消毒丹或螺蛳散。緩緩取効。

一 分濕內化湯

薏苡仁二兩 金銀花 白茯苓各一兩 牛膝 半夏 甘草 川草薺各五錢 肉桂五分
右水煎服。

二分濕消毒丹

黃丹二兩 鉛粉(炒) 白蠟各一兩 乳香(去油) 沒藥(去油) 兒茶 潮腦 松香各二錢
輕粉一錢 血竭五錢 冰片 麝香各五分 銅綠三分 蚯蚓糞二兩

右共爲絕細末。先用葱湯洗濕患處。搽在瘡口之上。必然癢不可當。但不可用手抓其癢。少頃必流黃水。如金汁者數碗。再用葱湯洗之。又搽。又流。又搽。如是者三次。則水漸少而痛漸止矣。

三 蝶蛸散

海蝶蛸(不必浸淡) 人中白(或人中黃亦可) 各等分

右爲細末。先以百草多煎濃湯。乘熱薰洗。後以此藥搽之。如乾者以麻油或熟猪油蜜水俱可調搽。

四 單方

黃柏一兩。乳香三錢(如癢加) 潮腦三錢。共爲末乾搽。如瘡乾者。猪油調搽。(家祕方)

青蛇頭

【病狀】此症又名指風毒。生足大指節上。初起狀如湯潑火燒。痛不可忍。內毒滋甚。增寒壯熱。四肢酸痛。則齧肉突出。痛如刀割。

【病因】乃毒蛇所處之地。人不知覺。蚤起經過。染受毒氣。故生此毒。

【治療】用人龍散敷之。齧肉自縮。輕者經旬匝月。重者兩三月不收功。潰敗筋骨。多有之矣。

人龍散

人龍（卽蛔蟲人吐出者更佳。廁中者亦可用）一條 雄黃二錢

右同搗爛。卽時齧肉縮進。腫消痛止而愈。

□ 狐尿刺

【病狀】此患初起紅紫斑點。肌膚乾燥。悶腫焮痛。十日後。腐開瘡口日寬。

【病因】由螻蛄盛暑交媾。精汁染於諸物。乾久有毒。人手足誤觸之則成。

【治療】內宜服黃連解毒湯。外以蒲公英連根濃煎湯洗。若得鮮蒲公英汁塗患處更妙。

黃連解毒湯

黃連 黃芩 黃蘗 生梔子各一錢五分(研)
右水煎熱服。

□ 腿遊風

【病狀】此症兩腿裏外忽生赤腫。形如堆雲。燉熱疼痛。

【病因】由榮衛風熱相搏結滯而成。

【治療】凡遇此症。先以磁器開割放出惡血。隨服雙解通聖散。次以當歸拈痛湯清解治之。外貼牛肉片以拔風毒。甚效。

一 雙解通聖散

防風 荊芥 當歸 白芍(酒炒) 連翹(去心) 白朮(土炒) 川芎 薄荷 麻黃 梔子各五錢 黃芩 石膏(煨) 桔梗各一兩 甘草二兩(生) 滑石三兩
右共研粗末。每用五錢。水一鍾半。煎八分。澄渣溫服。

一一 當歸拈痛湯

當歸 羌活 茵陳蒿 蒼朮(米泔水浸炒) 防風各一錢 苦參 白朮(土炒) 升麻七分
黃根 澤瀉 人參 知母 黃芩 猪苓 甘草各五分 黃蘗三分
右水二鍾煎八分食前服。

腎氣遊風

【病狀】此症多生於腎虛之人。腿肚紅腫。形如雲片。遊走不定。痛如火烘。
【病因】由腎火內蘊。外受風邪。膀胱氣滯而成也。

【治療】初服紫蘇流氣飲。次服檳榔丸。外用豆腐研調黃蘗末貼敷之。甚效。

一 紫蘇流氣飲

紫蘇 黃蘗 木瓜 檳榔 香附 陳皮 川芎 厚朴(姜炒) 白芷 蒼朮(米泔水浸炒)
烏藥 荊芥 防風 甘草 獨活 枳殼(麩炒)
右等分。生薑三片。棗一枚。水煎服。

二 檳榔丸

檳榔 枳實各二兩(麩炒) 木瓜一兩五錢 木香一兩 大黃四兩

右共研細末。煉蜜爲丸。如梧桐子大。每服三十九。空心白湯送下。黃酒送下亦可。

○ 癩瘡

【病狀】此症生在兩脛內外。癩骨。初發先癢後痛。紅腫成片。破津紫水。

【病因】外癩屬足三陽經濕熱結聚而成。故早治易於見效。內癩屬三陰有濕。兼血分虛熱而成。因癩骨皮肉澆薄。難得見效。極其纏綿。

【治療】新起宜貼三香膏。色紫貼夾紙膏。日久瘡色紫黑。貼解毒紫金膏。又年久頑癩瘡。皮烏黑下陷。臭穢不堪者。用蜈蚣餞法。去風毒。化瘀腐。蓋貼黃蠟膏。漸效。初服黃耆丸。日久者服四生丸。下元虛冷者宜虎潛丸。常服甚效。但腿脛在至陰之下。生瘡者當戒勞動發物。其證可愈。否則難痊。

一 三香膏

輕粉 乳香 松香各等分

右共爲末。香油調稠。用夾紙一面以鍼蜜刺細孔。將藥夾搽紙內。先以葱湯洗淨患處。將藥紙有鍼孔一面對瘡貼之。三日一換。

二 夾紙膏

黃丹(炒) 輕粉 兒茶 沒藥 雄黃 血竭 五倍子(炒) 銀朱 枯礬各等分
右共爲末。量瘡大小。剪油紙二張。夾藥於內。紙周圍用麵糊粘住。紙上用鍼刺孔。先將瘡口用葱椒煎湯洗淨。拭乾。然後貼上。以帛縛之。三日一洗。再換新藥貼之。

三 解毒紫金膏

明淨松香 皂礬各一筋(煨赤)

右共研極細末。香油調稠。先用葱艾甘草煎湯洗淨患處。再搽此藥。油紙蓋住。以輭布紮緊。三日一換。

四 蜈蚣錢

蜈蚣 甘草 獨活 白芷各一錢

右用桐油二兩。將藥煎滾。以米泔水洗淨。賺瘡水。和白麵作圈圍在瘡之四邊。勿令洩氣。將腿放平。以茶匙挑油。漸漸乘熱加滿。待油溫取下。以後風毒自散。腐肉漸脫。其功甚速。

五 黃蠟膏

血竭 赤石脂(煨) 龍骨各三錢(煨)

右共爲細末。香油一兩。入血餘粟子大一團。燻枯去滓。再入黃臘一兩。白膠香三錢。溶化盡。離火下血竭等末攪勻。候冷。磁罐盛之。用時捏作薄片。貼瘡上。絹帛縛定。三日後翻過貼之。

六 黃耆丸

黃耆 川烏頭(炮去皮弦) 赤小豆 蒺藜(炒去刺) 地龍(去土炒) 川棟子(鹽水泡去核) 茴香(炒) 防風各一兩 烏藥五錢

右爲細末。酒煮麵糊爲丸。如梧桐子大。每服十五丸。空心溫酒送下。鹽湯亦可。婦人用醋煎滾。候溫送下。

七 四生丸

地龍(炒) 白附子 殭蠶(炒) 草烏(去皮尖炮) 五靈脂各等分
右爲細末。米糊爲丸。如梧桐子大。每服三四十九丸。食前茶酒任下。

八 虎潛丸

敗龜板四兩(酥炙) 知母 黃蘗(二味鹽酒炒) 熟地各三兩 牛膝(酒蒸) 白芍(酒炒)
陳皮各二兩(鹽水潤) 瑣陽(酒潤) 當歸各一兩五錢(酒洗) 虎脰骨一兩(酥炙)

右共研末。剉羊肉酒煮爛。搗膏和入藥末內爲丸。如梧桐子大。每服三錢。空心淡鹽湯送下。冬月加乾羌一兩。

鱗漏

【病狀】初起頗類濕瘡。生於腿肚。癢痛相兼。破津黃水。綿綿不已。其孔深如鑽眼。復受寒氣侵入瘡孔。以致口寒肌冷。

【病因】此症由濕熱鬱結而成。

【治療】宜用艾葉老葱熬湯。每日先薰後洗。瘡口發熱覺癢時。即貼黃蠟膏。收斂而愈。

黃蠟膏

血竭 赤石脂(煨) 龍骨各三錢(煨)

右共爲末。香油一兩。入血餘粟子大一團。燥枯去滓。再入黃蠟一兩。白膠香三錢。溶化盡。離火下血竭等末。攪勻候冷。磁罐盛之。用時捏作薄片。貼瘡上。絲絹縛定。三日後翻過貼之。

四彎風

【病狀】此症生在兩腿彎脚彎。每月一發。形如風癬。其癢無度。

【病因】屬風邪襲入腠理而成。

【治療】宜大麥一升。熬湯先熏後洗。次搽三妙散。滲濕殺蟲。其癢即止。緩緩取效。

三妙散

檳榔 蒼朮(生) 黃蘗各等分(生)

右共研細末。乾撒。

牛程躑

【病狀】此症生於足跟及足掌皮內。頑硬腫起。高埂色黃。疼痛不能行履。

【病因】由脚熱著冰水。或遇寒風襲於血脈。令氣滯血凝而成。

【治療】法宜用盆一箇。內安新磚。磚上安鴿糞。糞上合罩籬。以脚踏罩籬上。次以滾水從旁冲入蒸之。浸漬之。冷則易之。早治或有消者。久則破裂。膿水津流。每日米泔水淨洗。搽牛角散。四圍頑皮浮起。剪之。換搽生肌玉紅膏。月白珍珠散。歛口自愈。

一 牛角散

松香 輕粉 水龍骨（即舊船底油石炭） 牛角尖（燒灰）
右共爲末。牛骨髓調搽。

二 生肌玉紅膏

當歸二錢 白芷五錢 白蠟二兩 輕粉四錢 甘草一兩二錢 紫草二錢 瓜兒血竭四錢
麻油一斤

右將當歸、白臘、紫草、甘草四味入油內浸三日。大杓內熬微枯色。細絹濾清。將油復入杓內煎滾。入血竭化盡。次下白蠟。微火亦化。用茶鍾四個。須放水。將膏分作四處預入鐘內。候片時。方下研極細之輕粉各投一錢。攪勻。候至一日夜。用之極效。

三 月白珍珠散

青缸花五分 輕粉一兩 珍珠一錢
右爲末撒之。

臭田螺

國醫皮膚病

臭田螺

二九

上海大衆書局印行

【病狀】腳丫破爛。其患甚小。其癢搓之不能解。必搓至皮爛津腥臭水覺痛時。其癢方止。次日仍癢。經年不愈。極其纏綿。

【病因】此症由胃經濕熱而生。

【治療】宜用甘草薏苡仁煎湯洗之。嚼細茶葉塗之。乾則黃連膏潤之。破爛甚者。宜用鵝掌皮煨存性。研末。香油調敷甚效。

黃連膏

黃連三錢 當歸尾五錢 生地一錢 黃蘗三錢 葦黃三錢

右用香油十二兩。將藥燻枯。撈去渣。下黃臘四兩。溶化盡。夏布將油濾淨。傾入磁碗內。以柳枝不時攪之。候凝爲度。

雞眼

【病狀】雞眼本名肉刺。生於足指。形如雞眼。故俗呼之。根陷肉裏。頂起硬凸。疼痛。步履不便。

【病因】此緣纏足或著窄鞋。奔行極擠。皆能生之。

【治療】宜貼紫玉簪膏或腳針膏均效。初起時用紫玉簪根搗爛塗貼。油紙蓋之。或地骨皮。紅花各等分。研細。香油調敷亦可。

一 紫玉簪膏

五倍子一兩 紫玉簪葉二十片 乳香 沒藥各三錢 河豚眼睛三十個 血竭 兒茶各二錢
真芝麻油半觔 東丹四兩

右先將藥同油熬枯。再入乳沒茶竭化盡。濾清。復入鍋內熬滾。徐徐下丹。老嫩得宜攤貼。

二 腳針膏

阿魏 莪朮各三錢 三稜二錢 麝香五分 雞盹皮七個（陰乾） 鱈魚血一杯 大黃四兩
荸薺（連皮陰乾）二十四個

右用麻油一斤。先熬羣藥。去渣。入阿魏熬末。再入鱈血。滴水成珠。入炒黃丹四兩。徐徐投攪成膏。冷定。下麝末攤貼。

C 全身部

斑疹——奶癬瘡——天泡瘡——血風瘡——痱子——丹毒——大麻風——疥瘡

國醫皮膚病

雞眼

三一

上海大眾書局印行

白駁風——癩瘡——赤白遊風——紫白癜風——浸淫瘡——火赤瘡——白疔——疔
瘡——烏白癩——癩瘍風

斑疹

【病狀】此症初起一處。漸而遍及全體。其狀斑則成片。不分顆粒。一如雲朵拱起。淡紅者輕。紫紅者重。黑者凶。輕者癢而重者痛。疹則如痲瘡。或類蚊跡。蚩虱痕而不盛。一日之中。起伏隱現不常。隱隱見於肌膚之間。不大起發者。是。惟其證有陰陽。治宜細辨。身熱無汗。煩渴躁悶。或痛或癢。如雲若錦。腹痛胸滿。二便秘結。六脈浮洪有力。或浮數有力者。陽也。內熱自汗。渴不欲飲。心煩身燥。胃弱脾泄。喜濕惡熱。色白而不紅。但癢而不痛。六脈遲緩。微弱或虛數無力者。陰也。

【病因】此症之發。有外感風熱者。有胃腑實熱為病者。有傷寒失下者。有傷寒陽明經失汗者。總屬陽明胃與大腸之風熱亢盛已極。內不得疎泄。外不得透達。佛鬱於皮毛腠理之間。輕則為疹。重則為斑。一如火乘金位。金受火

尅之故。此乃陽毒。屬表屬實之斑疹也。有陰虛血熱者。有陽虛血熱者。有氣血兩虛而虛熱鬱盛者。此三焦無根之火。乘氣血之虛而空發於上。拂鬱於皮毛血脈之中。內不得清。外不得散。遂發斑疹。乃陰虛屬裏之證也。

【治療】陽證斑疹宜用陽斑主方。陰證斑疹宜用陰斑主方。風疹作癢則用生芝麻研碎擦之。

一 陽斑主方

生地三錢 防風 荆芥各一錢五分 川黃連 犀角屑 牡丹皮各五分 黃芩 桔梗各一錢
甘草三分

右水煎不拘時服。

外感重者。加羌活一錢。川芎。薄荷各五分。暫去芩連生地。如陽明胃家熱毒。煩燥熱渴。無汗背寒。斑疹黑紫色者。速加石膏一兩。連翹一錢五分。玄參一錢。犀角五分。去防風。桔梗。

傷寒邪熱入胃。舌胎黃黑有刺。二便不通。譫語狂熱者。加大黃五錢。枳實二錢。去生地。防風。丹皮。

傷寒陽明失表。煩渴外熱。半表半裏。大便不去。無下症者。加乾葛三錢。牛蒡子二錢。玄參一錢五分。煎

荷一錢。去生地。丹皮。黃連。犀角。

二 陰斑主方

白朮二錢 白茯苓一錢五分 人參 炮姜各一錢 陳皮 炙甘草 防風各五錢 肉桂三分
右水煎。早晚空心服。

□ 奶癬瘡

【病狀】此症初生小兒頭頂或眉端。癢起白屑。形如疥癬。有誤用湯大洗。色膚起粟。搔癢無度。黃水津淫。延及遍身。即成濕癩瘡。醫治更難矣。

【病因】由兒在胎中。母食五辛。喜殮炙博。遺熱與兒所致。

【治療】治以文蛤散或青黛散爲主。重者烏雲膏塗之。緩緩取效。

一 文蛤散

文蛤四兩 輕粉五錢 川椒二兩

右先將文蛤打成細塊。鍋內炒黃色。次下川椒。同炒黑色。煙起爲度。入罐內封口。次日。入輕粉研爲細末。罐收貯。香油調搽。乳母戒口爲妙。

二 青黛散

青黛 黃柏 枯礬 雄黃 百藥煎 硫黃各等分
右共研細。濕則乾摻。乾則香油調搗。以愈爲度。

三 烏雲膏

松香二兩 硫黃一兩

右研勻。香油拌如糊。攤布上半指厚。捲成條綿。繫緊。再用香油泡一日取出。刮去餘油。以火點著。一調朝下。用粗椀接之。布灰陸續剪去。將滴下油浸冷。水中一宿。出火毒搗之。

四 單方

白麵不拘多少。香油拌勻。作櫃火燒存性爲末。再用真香油調搗。

天泡瘡

【病狀】滿身泡如豌豆。根赤頭白。或頭亦赤。隨處而起。

【病因】由天行少陽相火爲病。故名天泡。爲風熱客於皮膚間。外不得泄。佛熱血液。結而成泡。

【治療】紅腫發熱。急脹疼痛。先用針挑破。搽胡粉散。若日久作爛。疼痛不已。膿水淋漓。宜用石珍散。

一 胡粉散

石膏(煨) 蛤利粉 輕粉各三錢 杭粉一兩
右共研極細。搗乾患上。用此搽之。

二 石珍散

石膏(煨) 真輕粉各一兩 青黛 黃柏各三錢
研細甘草湯洗淨。以此藥搽之。其痛即止。

三 單方

苧麻根搗汁搽之。(良方)

井底泥敷。(良方)

芭蕉根搗汁敷。(良方)

陳螺螄殼煨研乾搽。(良方)

菊花根汁搗。(良方)

絲瓜皮汁搗。(良方)

荔枝核醋磨搗。(良方)

蠶豆壳燒灰塗之。(備要)

□ 血風瘡

【病狀】遍身生瘡。形如粟米。搔癢無度。抓破時津脂水。浸淫成片。令人煩燥。口渴搔癢。日輕夜重。

【病因】此症由肝脾二經濕熱。外受風邪。襲於皮膚。鬱於肺經而成。

【治療】初起宜服消風散。外敷雄黃解毒散。若日久風邪鬱在肌膚。則耗血生火。搔癢倍增。夜不得寐。抓破津血。心煩。大便燥祕。咽乾不渴。此屬火燥血短。宜服地黃飲。外擦黃連膏。潤肌膏。合而用之。悉效。兼忌椒酒雞鵝。動風等物。

一 消風散

荆芥 防風 當歸 生地 苦參 蒼朮(炒) 蟬蛻 胡麻仁 牛蒡子(炒研) 知母(生)
石膏(煨)各一錢 甘草(生) 木通各五分
右水二鍾煎八分。食遠服。

二 雄黃解毒飲

雄黃(煨)各一兩 白礬(生)四兩
右共研細末。滾水調傅。

三 地黃飲

生地 熟地 何首烏各三錢(生) 當歸二錢 丹皮 黑參 白蒺藜(炒去刺) 殭蠶(炒)各一錢五分 紅花 甘草(生)各五分
右水煎。早晚服。

四 黃連膏

黃連三錢 當歸尾五錢 生地一兩 黃蘗三錢 薑黃三錢
香油十二兩。將藥煤枯。撈去渣。下黃蠟四兩。溶化盡。用夏布將油濾淨。傾入磁碗內。以柳枝不時攪之。

候疑爲度。

五 潤肌膏

香油四兩 奶酥油 當歸五兩 紫草一錢

右將當歸紫草入二油內。浸二日。文火燂焦。去渣。加黃蠟五錢。溶化盡。用布濾傾碗內。不時用柳枝攪冷成膏。每用少許。日擦二次。

□ 痲子

【病狀】此症一名瘍毒小癩。又名膿窠瘡。初發背心。肌膚紅暈。次生腫痛。發熱無時。日夜不止。兼頭目暈眩。口苦舌乾。心煩背熱。肢體疲怠。

【病因】由暑熱不解而生。

【治療】宜用七寶散淋洗。或玉粉散亦可。已破者。赤石脂散撲之。

一 七寶散

黃芪 當歸 防風 荊芥穗 地骨皮 木通各二兩 白芷一兩

右爲粗末。每用藥一兩。水三大碗。煎五六沸。濾去滓。稍熟。淋濕患處。

二 玉粉散

定粉一兩 蛤粉九兩半 白石脂 白龍骨 石膏各半兩 滑石八兩半 粟米粉二兩 寒水石（燒通赤放淨地上冷出火毒）一兩

三 赤石脂散

赤石脂（細研） 黃柏（去粗皮剉） 蠟茶末各半兩 白麵二兩 龍腦半錢（另研）
右爲細末。研勻。每用時。綿搥撲之。

四 單方

香撲粉入朴硝末。如常撲使。更入少許枯礬末。（家用方）
用棗葉煎湯浴之。（食療本草）

丹毒

【病狀】丹毒一名天火。肉中忽有赤色。如丹塗之狀。其大如掌。甚者遍身。有癢有痛。而無定處。丹名雖多。其理則一也。形如雞冠。名雞冠丹。若皮澀起。如麻豆粒者。名菜萸丹。亦有水丹。遍身起。遇水濕。溥之。透露黃色。恍如有水。

在皮中。此雖小疾。能令人死。不可忽也。色赤者。諸書謂之赤遊丹。色白者。爲水丹。小兒多生之。

【病因】大抵皆由血熱肌虛。風邪所搏而發。

【治療】毒盛者。服藍葉散。毒輕者。宜導赤湯。加薄荷獨活服之。如初起白斑。漸透黃色。光亮脹墜。破硫黃水。濕爛多痛者。名水丹。又名風丹。多生腿膝。宜防已散主之。亦有起白斑。無熱無痛。遊走不定者。由火毒未發。肌膚外受寒鬱。名爲冷膜。宜服烏藥順氣散。外用薑擦。凡丹形初見。卽用牛羊精肉片貼之。甚者以柏葉散敷之。

一 藍葉散

藍葉(晒乾) 川芎 赤芍 知母 生地 白芷 川升麻 柴胡 葛根 杏仁(炒去皮尖)
甘草(生)各一錢 石膏(煨) 梔子仁各五分

右共搗粗末。每用八錢。新汲水二鍾。煎八分。去渣服。熱甚。加黃芩元參。

二 導赤散

木通 生地各二錢 甘草(生)一錢

右竹葉二十片。水一鍾。煎半鍾。溫服。

三 防己散

防己三兩 朴硝一兩 犀角(鎊) 川芎 黃芩 黃芪 川升麻各一錢

右共搗粗末。每用五錢。加竹葉三十片。新汲水二鍾。煎各八服。

四 烏藥順氣散

烏藥 橘紅各二錢 枳殼(麩炒) 白芷 桔梗 防風 殭蠶(炒) 獨活 川芎各一錢 甘

草(生)五分

右水二鍾。生姜三片。煎八分服。

五 柏油散

側柏葉(炒黃爲末) 蚯蚓糞 黃藥 大黃各五錢 雄黃 赤小豆 輕粉共三錢

右爲細末。新汲水調搽。香油更效。

六單方

芸臺子一兩。以酒一大盞。和研去滓。煎五七沸。無時溫服一合。(本事方)

苧根三斤。水三斗。煮汁。每日塗之。(經驗方)

蚯蚓矢水和傅之。(易簡方)

蕎麥麩苦酒調傅。(易簡方)

養栗皮有刺者洗之佳。(易簡方)

用臘雪貯器中。久化爲水。以水塗赤遊丹。無有不愈者。

□ 大癩瘋

【病狀】癩瘋之始。由各有不同。有壯年而發者。有十四五歲而發者。有四五歲而發者。所感有殊。其壯年而發者。因不能節慾。致喪腎元。精液枯涸。腠理不密。易感寒濕之邪。積久不去。况水衰不能生木。則肝虛易動而風生。且風數動易變。與濕相搏。遂化爲熱。又不能驅之補之。則根堅蒂固。日甚一日。風引濕熱之毒。攻之肌肉皮毛。壅遏於肌肉經絡之間。則氣血不行。初或頭面手足有一點麻木不仁。如病者之家。明其爲惡候。卽延醫而調治之。

明察其得病之淺深。風濕之輕重。刺制不得散漫。速爲順氣疏風。燥濕舒筋。健脾補血。則氣血和而風濕去矣。如病者因其所患甚微。不以爲意。而醫者又不明其症之暴烈。朦然不覺。妄投補瀉。致風濕之毒。遍流身體。遂致眼反脣翻。眉脫髮落。手足痿痺。十指墮折。肌肉潰爛。斯時也。雖有軒岐再世。盧扁復生。何能施其術哉。可不痛乎。

【病因】大風症者。所因不一。或色慾當風。或醉臥濕地。或乘熱脫衣。或汗出入水。或空心饑餓。山行感山嵐瘴氣。或勞役奔走。途中冒寒雨陰露。由內傷形體。不知避忌。外感風濕毒氣。入於皮毛。血脈。肌肉。筋骨之間。當時失於驅散。停積既久。以致榮衛不行。內外薰蒸。內則生蟲。外則生瘡。臟腑經絡。皆受患矣。眉毛先落者。毒在肺。面發紫泡者。毒在肝。脚先痛或穿者。毒在腎。遍身如癬者。毒在脾。目先損者。毒在心。此五臟受病之重者也。古人謂大風病三因五死三因者。一曰風毒。二曰濕毒。三曰傳染。五死者。一曰皮死。麻木不仁。二曰脈死。血潰成膿。三曰肉死。割切不痛。四曰筋死。手足緩縱。

五曰骨死鼻梁崩塌。與夫眉落眼盲。唇翻。聲噎。皆爲難治。所以然者。由邪正交攻。氣血沸騰。而濕痰死血。充滿於經絡之中。熱勝則肉腐。故生蟲生瘡。痛癢麻木也。

【治療】初起宜服家祕煎方。隨用天真玉髓丸。全愈後服家祕丸方。其久不得瘥者。則斬蛇酒。醉仙散。潤生丸。奪命還真丹。白花蛇丸。回生奪命丹。順氣搜風。接命丹。神仙紫苑丸。皆可用。其危困者。急宜用白玉蟾蜍遺方。神仙換骨丹。然能全愈者。實百不得一矣。

一 家祕煎方

防風 甘菊花 獨活 荆芥穗 甘枸杞 羌活 山梔子各等分

面部加白蒺藜。當歸。天花粉。天麻。鼠粘子。荷薄。蒼耳子。蔓荊子。穀精草。

下部加杜仲。金銀花。牛膝。宣木瓜。桔梗。炙虎骨。枳殼。熟地黃。木通。

攝血歸元加連翹。元參。

補虛加桑螵蛸。夏枯草。

血虛加蘇木、紅花。

婦人加四物湯。俱白水煎服。

二 天真玉髓丸

白蒺藜(炒去刺) 草胡麻(去土微炒) 苦參(鮮明者) 荆芥 當歸身(酒洗) 防風(去蘆) 各四兩 海風藤(香者爲上如馬鞭一根切片花紋如檳榔尤妙) 枳殼(去穢淨) 白朮(有濕痰在胃則用如胃不痛無痰則不用) 木通各二兩 乳香(去油) 沒藥(去油如不痛不必用乳香沒藥) 牛膝(下部則加) 川桂枝(手臂痛用如鼻塞不必用) 各一兩 重全蝎七個 大楓子五兩(全天麻五錢煮去白衣膜石臼內搗碎和勻) 虎骨(酥炙二兩止痛不痛不加) 共磨細末。水法疊丸。每早午晚各服三錢。白湯送下。用香櫞片過口。忌食麵醬醬油火酒川椒羊鵝發物等味。惟烏魚芝麻相宜。如服此丸反覺飲食少進。身體倦怠疲困。則藥力到矣。須耐心久服。可保全功。漸加至五錢七錢更妙。

三 家祕丸方

光橘梨(卽十大功勞又名八角茶出在浙江上面刺用剪剪去以醃酒拌丸蒸丸晒再去葉中筋晒

乾爲末。一觔。元參四兩。
磨細末。水法爲丸。每服二錢。白湯送下。

四 蕪蛇酒

黃柏 苦參 甘菊花 丹參 牡丹皮 金銀花 當歸 赤芍藥 百部 赤茯苓 枸杞子
蔓荊子 川草薢各一兩 桑枝一兩五錢 生地二兩 秦艽 獨活 威靈仙各五錢 蕪蛇一
具（去頭去尾如烏稍蛇亦可用之）
共煮酒生酒十五觔。退火七日飲。

五 醉仙散

胡麻子 牛蒡子 蔓荊子 枸杞子（四味俱炒黑色）各一兩 白蒺藜 苦參 瓜蘘根 防風
各五錢

右爲細末。每一兩入輕粉一錢。拌勻。每服一錢。茶清調。晨午夕各一服。服後五七日。先以牙縫內出臭
涎。渾身痛。昏悶如醉。後利下惡物。臭積爲效。

六 潤生丸

人參不拘多少 川烏 草烏 白芷 當歸 槐角子 何首烏 枳殼 連翹 海風藤 烏藥

杜仲 桔梗 石楠葉 肉桂各四兩 乾薑 白殭蠶 甘草 赤芍藥 升麻 虎骨 防己

白花蛇酒浸 沒藥 沉香各一兩

以上各研細末。用麻黃二十觔。去節。水煎一日。去渣。將汁熬成膏。入藥末和爲丸。每丸重五錢。清晨送下一丸。不可見風。此丸能消風順氣。諸般瘋症可服。川烏草烏。乃諸風之首藥。必先製煉精詳。莫待臨時忙亂。

七 奪命還真丹

全蠍 白殭蠶 陳皮 生地 杜仲 蔓荊子 知母 甘菊花 黃連各一兩 黃芩 熟地
肉桂 枳殼 柴胡 甘草 石膏 大茴香(炒) 防風 白朮 半夏 白茯苓各二兩 明天麻 川芎 廣木香 藁本 白芍藥各二兩五錢 人參 兔絲餅(酒浸焙) 獨活各一兩五錢

北細辛五錢 蛤蚧(酥炙)一對

以上俱爲末。蜜爲丸。彈子大。金箔爲衣。每用一丸。隨症用引嚙下。

八 白花蛇丸

川芎 明天麻 羌活 白附子(炒) 當歸 威靈仙 蟬蛻 赤芍藥 雷丸 蒼耳子 枳殼
川葶藶 雄黃 石菖蒲 甘草 大楓子 防風 何首烏 烏藥 白殭蠶 牛膝 苦參
皂角各等分 白花蛇一條(去皮骨浸酒炒)
右爲末。酒糊丸。桐子大。每服三十九。酒送下。

九 回生奪命丹

羌活 白蒺藜 藁本 天南星 防風 川續斷 蒼朮 五加皮 獨活 海風藤 白芷 大
腹皮 烏藥 仙靈脾 防己 皂角刺 川烏 明天麻 桔梗 北細辛 柴胡 蔓荊子 黃
芩 川葶藶 薄荷 甘松 白芍 大黃各三兩 紅花 元參各七兩 草烏四兩 苦參二兩
右用陰陽水各一大桶。浸春五。夏三。秋七。冬九日。煎百沸。去渣。加煉蜜一觔。煎成膏如漆。
白朮 胡麻 人參(酒浸蒸熟晒乾) 砂仁 礞石(煨) 蕤仁(去油)各二兩 沉香 白茯苓
木香 檀香 降香 安息香 乳香(去油) 沒藥(去油) 川芎 牛膝 紅花 香蛇(酒
浸焙乾) 血竭 白殭蠶 松脂(煑去苦水) 雲母石 冰片 鵝管石 磁石 肉蓯蓉 原
蠶蛾 桑螵蛸各一兩 蟾酥 麝香各五錢 人牙炙黃色五個 白花蛇一條(酒浸去皮晒乾)

右爲末。用前藥膏共搗丸彈子大。硃砂爲衣。金箔包裹。年深久遠者。服十九。四五年者。服四五丸。一二年者。服一二丸。須麻姑酒磨下。隨汗愈。

十 順氣搜風接命丹

滑石 牛膝各一兩五錢 大楓肉八兩 荊芥一兩 防風 川芎 當歸 赤芍藥 麻黃各五錢 黑山梔 黃芩 連翹 白朮 甘草 薄荷 桔梗 全蠍 蟬蛻 羌活 獨活 胡麻 葛根各六錢 石膏八錢 人參二錢五分 木香七分五厘 麝香五分 右爲末。黃米酒煮糊丸桐子大。每服五十九。酒送下。

十一 神仙紫苑丸

白花蛇(用酒一盃浸一宿去皮骨晒乾再入酒內浸再以酒盡爲度) 甘草 石決明各一兩 防風 羌活 細辛 川芎 赤芍藥 獨活 白蒺藜 蒼朮 枇杷葉 白芷 苦參 五加皮 金銀花 天麻 牙皂各五錢 人參 當歸各七錢五分 何首烏 荊芥 威靈仙各四錢 白附子 牛蒡子 草烏 石菖蒲 川烏各二錢二分 蛇床子 麻黃各二錢 木香 沉香各二錢五分 乳香 沒藥 胡麻各一錢 雄黃 辰砂各五分 肉果二枚 麝香 定風草各一錢

五分

右爲末。用大楓子二觔。去殼搗碎。酒拌入罐內。箬紙包口。鍋內重湯煮一夜。成膏。入前藥末煉蜜爲丸。桐子大。每服百丸。酒下。

十二 白玉蟾蜍遺方

胡麻 牛膝 木瓜 山梔 黃柏 蒼朮 天麻 五加皮 白堊藜 海風藤 羌活 苦參
當歸各二兩 代赭石(醋煨七次) 蕪蛇各一兩 蒼耳子 水銀(麩包煨) 硃砂各三錢
取新鮮大楓子肉二十四兩。敲碎之。以水二十碗煮至十碗。濾乾。入石臼內杵爛。入水銀硃砂代赭蒼耳四味。研至不見水銀星爲度。再將楓肉汁打陳米糊丸。每日卯午酉各服三錢。或二錢五分。酒下。

十三 神仙換骨丹

大黃 白芷 槐花 川芎 防風各一兩 乳香 沒藥 木香 沉香各三錢 蒼朮二兩 草烏半生半煨 北細辛 苦參各一兩五錢 麝香五分 紫背浮萍三兩
右爲末。麻黃煎膏。加煉蜜丸。重二錢。硃砂爲衣。每服一丸。或酒或葱湯磨服。

疥瘡

國醫皮膚病

疥瘡

五一

上海大眾書局印行

【病狀】凡疥先手丫生起。繞遍週身。癢癢無度。如肺經燥盛。則生乾疥。癢癢皮枯。而起白屑。如脾經濕盛。則生濕疥。舉腫作痛。破津黃水。甚流黑汁。如肝經風盛。則生蟲疥。癢癢徹骨。撓不知疼。如心血凝滯。則生砂疥。形如細砂。疥赤癢痛。抓之有水。如腎經濕熱。則生膿窠疥。形如豆粒。便利作癢。膿清淡白。或脾經濕盛。亦生膿疥。但頂含稠膿。癢痛相兼。爲異疥。雖有餘之症。而體虛之人亦生。以便祕爲實。便利爲虛。亦有虛而便燥者。如風祕則便燥。血分枯燥。則便澀。又在瘡形重色淡。及脈息之有力無力辨之。

【病因】此證有乾濕蟲砂膿之分。其形雖五種。總由各經蘊毒。日久生火。兼受風濕。化成斯疾。或傳染所生。

【治療】俱宜防風通聖散服之。虛者服荊防敗毒散發透之。及形勢已定。則無論虛實。乾疥服消風散。濕疥服蒼朮膏。蟲疥服蘆薈丸。砂疥服犀角飲子。膿窠疥服秦芩丸。經久不愈。血躁者。服當歸飲子。外治。乾者擦繡毬丸。濕者擦臭靈丹。潤燥殺蟲。俱效。疥生上體多者。偏風熱盛。下體多者。偏風濕盛。

肥人多風。濕瘦人多血熱。詳辨治之。

一 防風通聖散

防風 當歸 白芍(酒炒) 芒硝 大黃 連翹 桔梗 川芎 石膏(煨) 黃芩 薄荷 麻黃 滑石各一兩 荆芥 白朮(土炒) 山梔子各二錢五分 甘草二錢(生)
共爲末。

二 荆防敗毒散

荆芥 防風 羌活 前胡 柴胡 桔梗 川芎 枳殼(麴炒) 茯苓各一錢 人參 甘草各五分

薑三片水二鍾煎八分。遠前服。

三 消風散

荆芥 防風 當歸 生地 苦參(炒) 蟬蛻 胡麻仁 牛蒡子(炒研) 知母(生) 石膏各一錢(煨) 甘草(生) 木通各五分
水二鍾煎八分。遠前服。

四 蒼朮膏

南蒼朮十斤。切片入砂鍋內。水煮。減半取汁。再加水煮如前。併汁一處。用小沙鍋再煎。如乾一寸。加汁一寸。煎成膏。加蜂蜜四兩。和勻。
右每服二羹匙。空心。白滾水調服。

五 犀角飲子

犀角(镑) 赤芍 甘菊花 元參 木通 赤小豆 石菖蒲各一錢五分 甘草一錢(生)
右生薑三片。水二鍾。煎八分服。

六 蘆薈丸

蘆薈 子青皮 白雷丸 白蘼蕪 川黃連 胡黃連 鶴虱草各一錢 木香三錢 麝香一錢
共研末。蒸餅糊丸。如麻子大。每服一錢。空心。清米湯送下。

七 秦艽丸

秦艽 苦參 大黃(酒蒸) 黃芪各二兩 防風 漏蘆 黃連各一兩五錢 烏蛇肉五錢(酒
浸焙乾)

右共爲研末。煉蜜爲丸。如梧桐子大。每服三十九丸。食後。溫酒送下。

八 當歸飲子

當歸 川芎 白芍藥 生地黃 防風 白蒺藜 荊芥各一錢半 何首烏 黃芪 甘草各一錢
右作一服。水二鍾。煎至一鍾。食遠服。或爲末亦可。

九 繡球丸

川椒 輕粉 樟腦 雄黃 枯白礬 水銀各二錢 大楓子肉一百枚（另研）
右共研細末。同大楓子肉再碾勻。加柏油一兩。化開。和藥攪勻。作丸二。以掌合搓。如圓眼大。先以鼻聞。次搽患處。

十 臭靈丹

硫黃末 油核桃 生豬脂油各一兩 水銀一錢
右搗膏。用搽患處。

白駁風

【病狀】此證自面及頭項。肉色忽然變白。狀類斑點。並不癢痛。

【病因】由風邪相搏於皮膚。致令氣血失和。施治宜早。若因循日久。甚者延及遍身。

【治療】初服浮萍丸。次服蒼耳膏。外以穿山甲片。先刮患處至燥痛。取鰻鱧魚脂。日塗三次。取樹孔中水溫洗之。洗後搗桂心牡蠣等分爲末。面油塗調。日三夜一。俱效。

一 浮萍丸

紫背浮萍取大者洗淨晒乾

右研細末。煉蜜爲丸。如彈子大。每服一九。豆淋酒送下。

二 蒼耳膏

蒼耳（鮮者連根帶葉取五七十斤洗淨）

右一味切碎。入大鍋內煮爛。取汁。絹濾過。再熬成膏。磁罐盛之。用時以桑木匙挑一匙。噙口內。用黃酒送下。服後有風處必起小瘡。如豆粒大。此風毒出也。刺破出汗盡即愈。切忌豬肉。

■ 癬瘡

【病狀】癬發之狀。皮肉癢疹。有如錢文。漸漸長成。或圓或斜。癢痛。有框欄。癬內生蟲。搔之見水。亦作圓文框欄。但抓搔頑痺。不知痛癢。內亦有蟲。又名逸風瘡。生則遍體狀如癬疥而癢。此由風逸於皮膚。因名爲逸風瘡也。乾癬者。但有框欄。皮枯索癢。搔之白屑起是也。亦是風濕邪氣。客於腠理。復值寒濕與血氣相搏而生。若風毒氣多。濕氣少。則風沈入深。故無水而爲乾癬。中亦有蟲。又名白癬。其狀白色而癢。此由腠理虛而受風。風與氣並。血澀而不能榮肌肉故也。濕癬者。亦有框欄。如蟲行浸淫。赤濕。遇癢搔之。多水成瘡。蓋風毒氣淺。濕氣偏多。而爲濕癬。中亦生蟲。

【病因】此由風濕邪氣。客於腠理。復值寒濕與血氣相搏。血氣閉澀。則發此疾。風癬者。是惡風冷氣。客於皮膚。折於血氣所生。

【治療】初起宜服白蒺藜散。苦參丸。三神丸等劑。外敷胡粉散。銀粉散。八寶散。黃連膏。或凌霄花散均可。其久不愈者。外敷五倍子散。內服白花蛇丸可愈。若細辨治之。則乾癬宜用柏脂膏。一抹散。硫黃散等。濕癬則宜用螺殼散。

荆芥散。祛濕散等。牛皮癬用百部膏。

一 白蒺藜散

白蒺藜 秦艽(去蘆土炒) 枳殼(麩炒去瓢) 獨活 防風(並去蘆)各二兩 人參 苦參
元參 丹參 沙參(各去蘆) 甘菊花 梔子仁 黃芩 茯苓 茺莢 細辛(去苗) 麻黃
(去節)各二錢半 烏蛇四個(酒浸取肉)
右爲細末。每服二錢。食前溫服調下。

二 苦參丸

苦參一斤半(去蘆剉) 菖蒲四兩 烏蛇八兩(酒浸取肉)
右爲細末。煉蜜和搗三五百下丸如梧桐子大。每服三十九丸熟水送下。不拘時候。

三 三神丸

蒺藜(炒) 海桐皮(剉) 草烏頭(鹽炒熟去鹽不用)各一兩
右爲細末。麩糊和丸。如菽豆大。每服十九丸。加至十五丸溫酒鹽湯送下。

四 胡粉散

胡粉(別研) 雄黃(別研) 硫黃(別研)各一錢 大草烏三錢(生用) 蠶登一錢 砒五分

歟梢三錢 麝香三分

右爲細末。先用羊蹄根煎醋擦動。次用藥少許。擦患處。

五 銀粉散

輕粉 黃丹 白膠香 瀝青各等分

右爲細末。麻油調。拭淨。或抓破。竹篦挑搽二次。便乾。數次愈。治牛皮癬如神。

六 八寶散

藿香 破故紙 檳榔 大腹皮 雄黃 輕粉 硫黃 白礬枯各一兩

右爲細末。生油調擦。日上三五次。癢。則擦之。

七 黃連膏

黃連(去鬚) 黃柏(去粗皮) 鼓(細研) 蔓菁子(杏仁湯浸去皮尖雙仁細研)各半兩 水銀

一錢

右先以水銀於掌中唾研如泥。次入乳鉢內下生油一合。和勻。次入藥末。同研成膏。磁盒盛。日三五度。

塗瘡之上。

八 凌霄花散

凌霄花 黃連 白礬各二錢半 雄黃 天南星 羊蹄根各半兩
右爲細末。抓破。用生薑汁調藥擦之。如癬不癢。只用清油調藥。立效。

九 五倍子散

五倍子一兩(火燒烟盡) 黃柏(剉) 當歸(剉炒) 膩粉 漏蘆 白礬(煨)各一分
右爲細末。先用鹽漿水洗。拭乾敷之。

十 白花蛇丸

白花蛇三兩(酒浸) 苦參(去蘆)二兩 麥門冬一兩半(去心) 黃芩 防風(去蘆) 白蘚皮
甘草(炙) 枳殼(麩炒去蘆) 梔子仁 赤芍藥 川大黃 蒼耳子 羌活(去蘆) 黃芪
(剉去蘆) 白蒺藜各等分

右共爲細末。煉蜜和搗三五百下。丸如梧桐子大。每服三十九丸。食後。薄荷酒送下。

十一 柏脂膏

柏油一斤 黃蠟半斤 杏仁四十五粒(剉碎) 朴硝五錢

右件相和於鐵器內用老生薑葱白三根一順攪五七次煎沸濾成膏於瘡上塗之。

十一 一抹散

天南星 草烏頭各一枚(生用)

右爲細末用羊蹄根搗絞取汁調塗。不過三上瘡。

十三 硫黃丸

硫黃半兩 膩粉二錢半(研) 龍腦一錢 蟾蜍半兩

右件藥同研細末如粉。用面油調如泥。癢痛時抓破。後用藥擦之。立瘥。

十四 螺殼散

螺殼一兩 亂髮灰 龍腦 胡粉(研)各半兩

右爲細末。研勻。以油淀和塗之。

十五 荆芥散

荆芥穗(不拘多少)以瓦罐盛鹽泥固濟只留一竅用炭火燒候出青烟便去火用濕紙塞竅放冷取

出研細末。半兩。麝香一錢。膩粉五錢。

右研勻。先以口含鹽漿水。抓洗瘡令破。帛子搵乾。後以生油調藥敷之。

十六 祛濕膏

蠶沙四兩 薄荷半兩

右爲細末。每用不拘多少。乾摻瘡上。或用生油調搽。

十七 百部散

百部 白癬皮 鶴虱 葶麻仁 生地黃 黃柏 全當歸各一分

麻油半觔入藥熬枯。去渣。復熬至滴水成珠。再下黃蠟二兩。試下水不散爲度。拿起鍋。入雄黃末。和勻。稍冷。傾入磁鉢中。退火氣聽用。

赤白遊風

【病狀】此證發於肌膚。遊走無定起。如雲片浮腫。焮熱。痛癢相兼。高累如粟。

【病因】由脾肺燥熱。而兼表虛腠理不密。風邪襲入。怫鬱日久。與熱相搏。則化熱益盛而成。滯於血分者。則發赤色。滯在氣分者。則發白色。故名赤白遊風。

也。

【治療】初俱宜荆防敗毒散疎散之。赤者宜服四物消風飲。次服補中益氣湯。加防風蟬蛻殭蠶生何首烏治之。初俱用牛肉片貼之。猪羊俱可。遊走太速者。砭之。定停者。以眞君妙貼散。雞子清調敷。其看順逆之法。與丹毒門參考。忌魚腥雞鵝動風燥血之物。犯則難愈。

一 荆防敗毒散

荆芥 防風 羌活 獨活 前胡 柴胡 桔梗 川芎 枳殼(麸炒) 茯苓各一錢 人參 甘草各五分

薑三片。水二鍾。煎八分。食前服。

二 四物消風散

生地三錢 當歸二錢 荆芥 防風各一錢五分 赤芍 川芎 白鮮皮 蟬蛻 薄荷各一錢
獨活 柴胡各七分 紅棗肉二枚
水二鍾。煎八分。去渣服。

三 補中益氣湯

人參一錢 當歸一錢 生黃耆二錢 白朮一錢(土炒) 升麻三分 甘草一錢(炙) 麥冬一錢(去心) 五味子五分(研) 陳皮五分

右十味水二鍾。薑三片。棗二枚。煎一鍾。空心服下。

四 眞君妙貼散

蕎麥五斤 明淨硫黃十觔(爲末) 白麵五斤

右三味共一處。用清水微拌。乾濕得宜。趕成薄片。微晒。單紙包裹。風中陰乾。臨用時研細末。新汲水調敷。如皮破血流濕爛者。用麻油調敷。天泡火丹酒刺者。用靛汁調搽并效。

紫白癜風

【病狀】此證又名汗斑。多生面項。斑點遊走。延蔓成片。初無痛癢。久之微癢。

【病因】有紫白二種。紫因血凝。白因氣滯。總由熱體風邪。濕氣侵入毛孔。與氣血凝滯。毛竅閉塞而成。

【治療】初起宜服萬靈丹汗之。次以胡麻丸常服。外用蜜陀僧散擦患處。令汗出。

風濕自解。古今治法雖多。取效甚少。得此症者。當忌魚腥煎炒火酒動風發物。

一 萬靈丹

茅山蒼朮八兩 麻黃 羌活 荆芥 防風 細辛 川烏(湯泡去皮) 草烏(湯泡去皮) 川芎 石斛 全蠍 當歸 甘草 天麻 何首烏各一兩 雄黃六錢

右十六味爲細末。煉蜜爲丸。重三錢。硃砂爲衣。磁罐收貯。視年歲老壯。病勢緩急。斟酌而用之可也。

二 胡麻丸

大胡麻四錢 苦參 防風 石菖蒲 威靈仙各二兩 白附子 獨活各一兩 甘草五錢(生) 共爲細末。白酒漿和丸。如菘豆大。每服二錢。形瘦者。一錢五分。食後臨臥。白滾水送下。

三 蜜陀僧散

雄黃 硫黃 蛇床子各二錢 蜜陀僧 石黃各一錢 輕粉五分

共研末。醋調搽患處。

□ 浸淫瘡

【病狀】從口流向四肢可治。從四肢出。流入口者不治。淺搔之。蔓延不止。初時加疥。搔之週身汁相連者。

【病因】此證屬火。經云。歲火太過。甚則身熱。膚浸淫是也。

【治療】宜內服升麻湯。外塗香瓣瘡方。

一 升麻湯

升麻 大黃(劉微炒) 黃芩(去黑心) 枳實(麩炒) 芍藥各一兩 當歸(切焙) 甘草各半兩

右剉碎。每服五錢。水一盞半。燈心一握。煎至一盞。去滓。空心溫服。

二 香瓣瘡方

羯羊鬚 荆芥 乾棗(去核)各二錢

右燒灰存性。研勻。入膩粉半錢。同研極細。每用少許。清油調搽。先以溫湯淨洗。拭乾。塗藥二三次效。

□ 火赤瘡

【病狀】初起小如芡實。大如棋子。燎漿水胞。赤色。延及遍身。焮熱疼痛。未破不墜。

胞破。毒水津爛不臭。上體多生者。屬風熱盛。

【治療】宜服解毒瀉心湯。下體多生者。屬濕熱盛。宜服清脾除濕散。未破者。俱宜。蟬蛭拔毒散敷之。已破者。俱宜石珍散撒之。清其濕熱。破爛自乾。甚效。

一 解毒瀉心湯

黃芩 黃連 牛蒡子(炒研) 知母 石膏(煨) 梔子(生) 防風 元參 荊芥 滑石各一錢 木通 甘草(生)各等分

右水二鍾。燈心二十根。煎八分。食遠服。

二 清脾除濕散

赤茯苓 白朮(土炒) 蒼朮(米泔浸炒) 黃芩 生地黃 麥冬 梔子(生研) 澤瀉 甘草(生) 連翹(去心) 茵陳蒿 枳殼 元明粉各一錢

右水二鍾。竹葉二十斤。燈心二十根。煎八分。食前服。

三 石珍散

輕粉 石膏(煨)各一兩 黃藥末 青黛各三分

右各共研勻。先以甘草湯洗淨患瘡之處。再用此藥撒之。

白疔

【病狀】此證俗名蛇虱。生於皮膚。形如疥疹。色白而癢。搔起白皮。

【病因】由風邪客於皮膚。血燥不能榮養所致。

【治療】初服防風通聖散。次服搜風順氣丸。以豬脂。苦杏仁等分。共搗。絹包擦之。俱效。

一 防風通聖散

防風 當歸 白芍(酒炒) 芒硝 大黃 連翹 桔梗 川芎 石膏(煨) 黃芩 薄荷 麻黃 滑石各一兩 荆芥 白朮(土炒) 山梔子各二錢五分 甘草二兩(生)
共爲末。

二 搜風順氣丸

大黃(酒浸蒸晒九次)五兩 車前子(酒煮) 獨活 火麻仁(微火焙去殼) 檳榔 枳殼(獻炒) 郁李仁各二兩(滾水浸去皮) 羌活一兩

右爲末。煉蜜爲丸。如梧桐子大。每服三十九。茶酒任下。

疗瘡

【病狀】疗瘡者乃火證也。迅速之病。有朝發夕死。隨發隨死。三五日不死。一月半月亦死。此係臟腑之乖逆。性情之激變。節候之寒溫肅殺。且毒中有淺深也。若一時失治。立判存亡。有名爲火猷疗者。多生於唇口及手掌指掌間。初生一點紅黃小胞。痛癢麻木。甚則寒熱交作。煩燥舌強。言語疎忽。此屬心經毒火而成者也。有名爲紫燕疗者。多生於手足腰肋筋骨之間。初生便作紫胞。次日破流血水。三日後串筋爛骨。甚則目紅甲青。邪視神昏。睡語驚惕。此屬肝經毒火而成者也。有名爲黃鼓疗者。初生黃胞。光亮明潤。四畔紅色纏繞。多生口角腮顴眼胞上下。及太陽正面之處。發時便作癢。重則惡心嘔吐。肢體木痛。寒熱交作。煩渴乾噦。此屬脾經毒火而成者也。有名爲白刃者。多生白胞。頂硬根突。破流脂水。癢痛卽作。多生鼻孔兩手。易腐易陷。重則腮損咽焦。欬吐痰涎。鼻焮急。此屬肺經毒火而成也。有名

爲黑鬻疔者。多生耳竅牙縫胸腸腰腎偏僻之處。初生黑斑紫胞。毒串皮膚。漸攻肌肉。頑硬如丁。痛徹骨髓。重則手足青紫。驚悸沉困。輒陷孔深。目睛透露。此屬腎經毒火而成者也。以上五疔。本於五臟而生。又有紅絲疔。發於手掌及骨節間。初起形似小瘡。漸發紅絲。上攻手膊。令人寒熱往來。甚則惡心嘔吐。治遲者。紅絲攻心。常死人。又有暗疔。未發而腋下先堅腫無頭。次腫。陰囊畢丸突兀如筋頭。令人寒熱拘急。焮熱疼痛。又有內疔。先發寒熱。腹痛數日間。急然腫起一塊。如積者是也。又有羊毛疔。身發寒熱。狀類傷寒。但前心後心有紅點。又如疹形。視其斑點色紫黑者老。色淡紅者爲嫩。

【病因】由恣食厚味。或中蛇蠱之毒。或中疫死牛馬猪羊之毒。或受四時不正疫氣。致生是證。

【治療】以上諸證。初起俱宜服蟾酥丸汗之。毒勢不盡。憎寒壯熱仍作者。宜服五味消毒飲汗之。如發熱口渴。便閉脈沉實者。邪在裏也。宜服黃連解毒湯。

加生大黃一錢五分。蔥頭五個。清之。凡證輕者。宜服化疔內消散。若疔毒將欲走黃。急服疔毒復生湯。已走黃者。令人心煩昏憤。急用七星劍湯以救之。若手足冷。六脈暴絕者。係毒氣閉塞。元氣不能宣通。先宜蟾酥丸。隨服木香流氣飲。疔毒誤灸。煩燥譫語者。乃逼毒內攻也。宜服解毒大青湯。若潰後餘毒未盡。五心煩熱者。宜服人參清神湯。鍼後出膿之時。氣虛驚悸者。宜服內托安神散。若攻利太過。以致發渴。六脈虛大者。宜服補中益氣湯。若發汗之後。汗不止。熱不退。瘡不疼。便不利者。此屬裏虛。宜服八珍湯。加黃耆麥冬治之。凡疔潰後不宜補早。雖見真虛。只可平補。忌用溫補之藥。外治用藥。疔鍼亦當循其次第。書云疔瘡先刺血。內毒宜汗瀉。禁灸不禁鍼。怕綿不怕鐵。初覺貴乎早治。十證十全。稍遲者。十全五六。失治者。十壞八九。初發項以上者。三陽受毒。必用鉞針刺入瘡心四五分。挑斷疔根。令出惡血。隨用立馬回疔丹。或蟾酥條插入孔內。外以巴膏蓋之。如項以下生者。三陰受毒。卽當艾灸以殺其勢。灸之不痛。亦須鉞刺出血。插蟾

酥條。旁腫以離宮錠塗之。如旁腫頑硬。推之不動。用鍼亂刺頑硬之處。令出惡血。否則必致走黃。挑法。先用鍼幹。將毒頂焦皮刮開。鍼入疔根。堅硬如鍼者。順也。若鍼刺入綿軟如瓜穰而不知痛者爲逆。百無一生。凡挑疔根。先出紫黑血。再挑至鮮血出。以知痛爲止。隨填拔疔散。令滿。以萬應膏蓋之。過三四時。撥去舊藥。易以新藥。若藥乾無水不痛者。此挑法未斷疔根也。再深挑之。必以上藥知痛。藥入水流爲率。三四日後。瘡頂乾燥。以琥珀膏貼之。令疔根託出。換九一丹撒之。黃連膏抹之。外蓋白膏藥。生肌斂口。若初起失治。或房勞夢遺損氣。以致毒氣內攻。走黃不住者。其瘡必塌陷。急當隨走黃處按經找尋。有一芒刺直豎。卽是疔苗。急當用鐵鍼刺出惡血。卽在刺處用艾壯灸三壯。以宣餘毒。若身面漫腫。神昏悶亂。乾嘔心煩作渴。遍身起胞抽搐者。爲逆。惟紅絲疔於初起時。急用磁針於紅絲盡處。斫斷出血。尋至初起瘡上挑破。卽用蟾酥條插入萬靈膏蓋之。隨服黃連解毒湯。再暗內二疔。不用挑法。先以蟾酥丸含化令盡。以冷水漱去毒。

涎。再用三丸嚼葱白三寸。裹藥黃酒送下。蓋臥出汗。少時無汗。再飲熱酒。催之。仍無汗。係毒熱滯結。急用霹靂火法令汗出。毒熱隨之而解。次用雙解貴金丸下之。自效。若暗內二疔初起。牙關緊急者。用蟾酥丸三五丸。蔥頭煎湯。研化灌之。俟稍甦。治法如前。至羊毛疔。先將紫黑斑點。用衣鍼挑如羊毛狀。前後心共挑數處。用黑豆蕎麥研粉塗之。卽時汗出而愈。一法。用明雄黃末二錢。青布包紮蘸熱燒酒於前心擦之。自外圈入內。其毛卽奔至後心。再於後心擦之。其羊毛俱拔出。於布上埋之。忌茶水一日。再諸疔部位形色。亦有急緩。生於胸項胸背者最急。生於手足骨節之間者稍緩。一疔之外。別生一小瘡。曰應候。四圍赤腫而不散漫者。曰護場。四旁多生小瘡者。名曰滿天星。有此者緩。無此者急。疔證初起。至四五日間。由白色而至青紫色。疔頭潰膿形似蜂窩。內無七惡等證者。順也。若初起似疔非疔。灰色頂陷如魚臍。如蠶斑。青紫黑胞。軟陷無膿。內見七惡等證者。逆。凡疔毒俱由火毒而生者。忌服辛熱之藥。恐反助其邪也。忌敷寒涼之藥。

恐閉毒攻裏也。再膏藥不宜早貼。惟在將潰已潰時貼之。呼膿長肉。以避風寒。初潰時。忌用生肌藥。恐毒未除。反增潰爛。生項以上者。屬三陽經。不宜灸。若火日生疔。亦禁灸。犯之或爲倒陷。或至走黃。俱忌椒酒雞魚海味鵝肉猪首辛辣生冷等物。氣怒房勞諸事。

一 蟾酥丸

蟾酥二錢(酒化) 銅綠 輕粉 枯礬 寒水石(煨) 膽礬 乳香 沒藥 麝香各一錢 硃

砂三錢 雄黃二錢 蝸牛二十一箇

以上各爲細末。稱準。於端午日午時在淨室中。先將蝸牛研爛。同蟾酥和研稠黏方入藥。共搗極勻。丸如菉豆大。每服三丸。用葱白五寸。令患者嚼爛。吐於手心內。男用左手。女用右手。將藥丸裹入葱泥內。用無灰熱酒一茶鍾送下。被蓋約人行五六里路。病出汗爲度。甚者再用一服。如外用之法。搓條作餅。隨證用之。修合時忌婦人雞犬等見之。

二 五味消毒散

金銀花三錢 野菊花 蒲公英 紫花 地丁 紫背天葵子各一錢二分

水二鍾。煎八分。加無灰酒半鍾。再滾二三沸。熱服。渣如法再煎服。被蓋出汗爲度。

三 化疗內消散

知母 貝母(去心研) 穿山甲(炙細) 蚤休 白及 乳香 天花粉 皂刺 金銀花 當歸
赤芍 甘草各一錢(生)

酒水各一鍾。煎一鍾。去渣。量病上下而服之。

五 疗毒復生湯

金銀花 梔子(生研) 地骨皮 牛蒡子(炒研) 連翹(去心) 木通 牡蠣 生軍 皂刺
天花粉 沒藥 乳香各八分

酒水各一鍾。煎一鍾。食遠服。不能飲者。只用水煎亦可。惟臨服入酒一盃。和服亦效。

五 七星劍

蒼耳頭 野菊花 豨薟草 地丁香 半枝連各三錢 蚤休二錢 麻黃一錢
用好酒一觔。煎至一盤。澄去渣。熱服。被蓋出汗爲度。

六 木香流氣飲

當歸 白芍(酒炒) 川芎 紫蘇 桔梗 枳實(麸炒) 烏藥 陳皮 半夏(製) 白茯苓
 黃耆 防風 青皮各一錢 大腹皮 檳榔 枳殼(麸炒) 澤瀉 甘草節 木香各五分爲末
 生薑三片。紅棗肉二枚。水煎服。

七 解毒大青湯

大青葉 木通 麥門冬(去心) 人中黃 梔子(生研) 桔梗 元參 知母 升麻 淡竹葉
 石膏各一錢(煨)

水二鍾。燈心二十根。煎八分。食前服。

八 人參清神湯

人參 陳皮 白茯苓 地骨皮 麥門冬(去心) 當歸 黃耆 白朮(土炒) 遠志各一錢
 (去心) 柴胡 黃連 甘草各五分(炙)

水二鍾。粳米一撮。煎八分。食前服。

九 內託安神散

人參 麥門冬(去心) 茯神 黃耆 白朮(土炒) 元參 陳皮各一錢 石菖蒲 甘草(炙)

酸棗仁(炒研) 遠志(去心) 五味子各五分(研)

水二鍾煎八分。臨服入硃砂末三分。和勻食遠服。

十 立馬回疔丹

輕粉 蟾酥(酒化) 白丁香 硃砂各一錢 乳香六分 雄黃 硃砂 麝香各三分 蜈蚣一條(炙) 金頂砒五分

共爲細末。麪糊搓如麥子大。凡遇疔瘡。以鍼挑破。用一粒插入孔內。外以膏蓋。追出膿血。疔根爲效。

十一 九一丹

石膏九錢(煨) 黃靈藥一錢

共研極細撒於患處。

十二 霹靂火

鵝卵石燒紅。安鐵杓內。杓安桶內。以醋淬石。令患者將患處覆桶上。厚衣密蓋。勿令洩氣。熱氣微。再添紅石。加醋淬之。瘡頭及腫處。使熱氣薰蒸至汗出。其毒減半。

十三 補中益氣湯

人參一錢 當歸一錢 生黃耆二錢 白朮一錢(土炒) 升麻三分 柴胡三分 甘草一錢
(炙) 麥冬一錢(去心) 五味子五分(研) 陳皮五分
右十味。水二鍾。薑三片。棗二枚。煎一鍾。空心熱服。

十四 黃連解毒湯

黃芩 黃柏(炒) 黃連(炒) 山梔各一錢五分
右水煎熱服。

十五 八珍湯

人參一錢 茯苓一錢 白朮一錢五分 甘草五分(炙) 川芎一錢 當歸一錢 白芍一錢
(炒) 地黃一錢
右八味。水煎服。

十六 巴膏

象皮六錢 穿山甲六錢 山梔子八十個 人頭髮一兩二錢 血竭一錢(另研極細末) 兒茶
二錢(另研極細末) 礞砂二錢(另研極細末) 黃丹(飛) 香油 桑槐桃柳杏枝各五十寸

右將桑槐桃柳杏各五枝。用香油四斤。將五枝煤枯撈出。次入象皮。穿山甲。人頭髮。煤化。再入山櫨子。煤枯。用絹將藥渣濾去。將油復入鍋內煎滾。離火少頃。每油一斤。黃丹六兩。攪勻。用慢火熬。至滴水中成珠。將鍋取起。再入血竭。兒茶。硃砂等末。攪融。用涼水一盆。將膏藥傾入水內。用手扯藥。千餘遍。換水數次。拔去火氣。磁罐收貯。用時不宜見火。須以銀杓盛之。重陽炖化。薄紙攤貼。

十七 萬應膏

川烏 草烏 生地 白斂 白芨 象皮 官桂 白芷 當歸 赤芍 羌活 苦參 土木鱉
穿山甲 烏藥 甘草 獨活 元參 定粉 大黃各五錢

石十九味定粉在外。用淨香油五斤。將藥浸入油內。春五。夏三。秋七。冬十。候日數已足。入潔淨大鍋內。漫火熬至藥枯浮起爲定。住火片時。用布袋瀘去渣。將油稱準。每油一斤。對定粉半斤。用桃柳枝不時攪之。以黑如漆亮如鏡爲度。滴入水內成珠。薄紙攤貼。

十八 白膏藥

淨巴豆肉十二兩 蓖麻子十二兩（去壳） 香油三斤 蝦蟆五個（各啣人髮一團）
先將巴豆肉蓖麻子入油內。浸三日。再將蝦蟆浸一宿。臨熬時入活鱖魚。其煤焦去渣。淨慢火熬油。滴

水成珠。離火傾於淨鍋內。再加官粉二斤半。乳黃末五錢。不時攪之。冷定爲度。用時重湯炖化。薄紙攤貼。

十九 離宮錠

京墨一兩 胡黃連二錢 熊膽三錢 麝香五分 兒茶二錢 冰片七分 牛黃三分
右六味爲末。涼水調成錠。涼水磨濃塗之。

二十 雙解貴金丸

生大黃一斤 白芷十兩
右二味爲末水丸。每服三五錢。五更時用連鬚葱。大黃三根。黃酒一碗。葱爛取酒送藥服畢。蓋臥出汗。過二三時俟大便行一二次立效。

二十一 拔疔散

礞砂 白礬 硃砂 食鹽（用鐵銹刀燒紅將白礬食鹽放於刀上煨之）
各等分。擇丁日午時。研爲細末收之。

二十二 琥珀膏

定粉一兩 血餘八錢 輕粉四錢 銀砂七錢 花椒十四粒 黃蠟四兩 琥珀五分末 麻油
十二兩

將血餘、花椒、麻油、燻焦撈去渣。下黃蠟溶化。盡用夏布濾淨。傾入磁盤內。預將定粉、銀砂、輕粉、琥珀、四味。各研極細。共合一處。徐徐下入油內。用柳枝不時攪之。以冷爲度。綿燕脂攤貼。或紅綿紙亦可。

二十三 黃連膏

黃連三錢 當歸尾五錢 生地一兩 黃蘗三錢 薑黃三錢

香油十二兩。將藥煤枯撈去渣。下黃蠟四兩。溶化盡用夏布將油濾淨。傾入磁盤內。以柳枝不時攪之。候凝爲度。

□ 烏白癩

【病狀】烏者初覺皮毛變黑。發若癩疹。癢若蟲行。手足頑麻。鍼刺不痛。目視物若垂絲。心常驚而妄語。凡飲食言語之時。開口出氣而鳴。

【病因】此二證俱由惡風侵襲皮膚血分之間。火鬱耗血。及犯觸忌害而成。

【治療】宜服蝟皮丸。外擦大黑神膏。白癩皮色漸變白斑。語聲嘶嘎。目視不明。四

肢頑痛。身體大熱。心常懊惱。手脚緩縱。背脊拘急。肉如鍼刺。鼻生息肉。腫生白沫。宜服白花蛇散。外擦螻蝻膏。二證俱常飲苦參酒。白癩便秘者。先宜服醉仙散。次服通天再造散。利下惡物。卽效。

一 蝟皮丸

蝟皮(燒存性) 蝟蛇頭(燒存性) 魁蛤各一枚 紅娘子(去頭足翅) 鱗鱉(焙乾) 蟲蟲
(去頭足翅) 水蛭(糯米炒熟) 蜘蛛(焙) 螻蝻參三個(去頭足翅) 桂心 大黃 黃連
龍骨(煨研) 麝香(研) 汞(卽水銀) 川椒各五錢(炒) 芒硝 石膏各一兩(煨) 穿山甲
三斤(炙) 枯白礬 滑石(研水飛) 甘遂各二錢五分(與胡麻同炒以胡麻熟爲度去麻用甘
遂) 蜈蚣一條半(炙) 附子二枚(泡去皮臍) 巴豆(去皮膜心油) 雷丸各五十粒
右爲細末。煉蜜爲丸。如小豆大。每服一九。白滾水送下。空心臨臥各一服。如未覺。每服加一九。如莖中
痛。卽有蟲下。細觀形狀皆死矣。痛多加一九。痛少服二九。以瘡爲度。此藥乃攻毒取蟲之峻劑。非灼知
臟腑有蟲毒及精神可勝攻下者。不可輕服。

二 大黑神膏

頭髮(雞子大一團) 川芎 黃連 黃蘗 防風(去皮) 川烏 升麻 藜蘆各五錢 巴豆
杏仁各四十粒

用豬脂肪二觔。將藥燻至頭髮化盡爲度。撈去渣。再用雌黃雄黃白礬鉛粉各五錢。松脂一塊。如雞子大。同研末。入油內攪勻。先以熱鹽湯洗淨患處。次擦藥。日三次。勿令入口。

三 白花蛇散

白花蛇(酒浸炙) 槐子 天麻 枳殼(麸炒) 蔓荊子 防風 羌活 威靈仙 白鮮皮 晚蠶蛾各一兩(去頭足翅) 甘草五錢(炙)
共研細末。每服二錢。溫酒調下。不拘時。日用二服。

四 蟹螯膏

蟹螯十四枚 大腹蛇一條(頭尾全者晒乾)
黃酒七盃。同藥入瓶內。用糠火煨酒。至一盃濾去渣。收貯。每用薄薄塗於患處。

五 苦參酒

苦參五觔 露蜂房五兩 刺蝟皮一具(酥炙)

共研粗末。用水三斗。煎湯至一斗。去渣。浸細麩五觔。炊黍米三斗。拌如常醱法。酒熟壓去糟。每於食前。溫飲一小盞。

六 醉仙散

牛蒡子(炒) 胡麻 枸杞子 蔓荊子各一兩 苦參 白蒺藜 防風 花粉各五錢
共研細末。每服一錢。加輕粉一分二釐。研勻。茶清調服。晨午晚各一服。五七日後。先於牙縫內出臭黃涎。渾身疼悶如醉。然後利下膿血惡物臭氣。病根乃去矣。

七 通天再造散

大黃一兩(煨) 皂角刺一兩五錢 鬱金五錢 白牽牛六錢(頭末半生半炒)
共研細末。每服二錢。或三錢。早晨面東。醇酒調下。當日利下惡物。或膿或蟲。爲效。

癩瘍風

【病狀】此證發於皮膚。多生頸項胸腋。其色紫白。點點相連。亦無癢痛。較白駁形圓而不延蔓。

【病因】由風邪鬱熱。久居皮膚。不散而成。

【治療】斯疾宜服烏蛇散。外用羊蹄草根。共疏黃蘗醋於綉鐵片上。研膿汁。日塗
二三次效。

一 烏蛇散

烏蛇三兩（酒浸） 羌活 防風 黃芩 苦參各二兩 人參 沙參 丹參 元參 梔子仁
（生） 桂心 秦艽 木通 犀角屑 白蒺藜 升麻 枳殼（麸炒） 白鮮皮 川芎各一兩
共研細末。每服二錢。食遠溫酒調服。忌雞豬魚蒜麵食熱物之類。

錄附
美容術

□ 美容

括樓瓢三兩。杏仁一兩。猪胰一俱。同研如膏。每夜塗之。令面光潤。冬日不皴。每晨洗面。取豆腐少許。以之擦面。能使白嫩清潔。

以牛乳二分。與蘋菜液汁一分相和。晨夕洗滌。必能容光煥發。
鷄子三枚。酒浸。密封七日。每夜以白敷面。雖黑亦可使白。

□ 雀斑

面上雀斑。其色或黃或黑。治法。莫妙於用蜜陀僧研末。夜搽日洗。久之自去。或用綠荳粉洗面。亦效。

白茯苓研末。加白蜜調和。每夜敷之。七日見效。

茄子切成小片。擦面部。其效如神。

黑牽牛末。雞子清調和。夜敷旦洗。極效。

安息香酒一分。薔薇花露四十分和勻。用以洗面。可去斑點。神效非常。
山柰子。鷹糞。蜜陀僧。蓖麻子等分。研勻。以乳汁調之。臨臥時塗。平旦洗去。
蓖麻子仁。密陀僧。硫黃各一錢爲末。用羊骨髓和勻。夜夜敷之。

□ 粉刺

又名酒刺。由肺經血熱而生。發於面鼻。如黍如粟。色赤腫痛。破出粉汁。用大黃。硫黃等分研末。以涼水調敷。內服清肺藥。自愈。
雲母粉杏仁等分爲末。牛乳調和。略蒸。敷之。
慈母草燒灰。嬰條石各等分。和勻。調敷。
白蘇二分。杏仁半份。鷄矢白一分。爲末。雜水拭面。良效。
山慈姑根。夜塗旦洗。

□ 酒皴

杏仁去皮。搗和鷄子清。夜塗之。清晨以煖酒洗去。
生硫黃半兩。杏仁二錢。輕粉一錢。夜夜搽之。

馬齒莧煎湯。日洗。極效。

白蘂。白石脂。杏仁各半兩爲末。鷄子清調塗。

鷓鴣骨燒研。入白芷末。猪脂和塗。

浮萍。日貼之。並搗汁飲少許。

□ 面上黑氣

半夏。(焙研)米醋調服。不可見風。自早至晚。不計次數。三日後。用皂角煎湯洗下。卽白。

皂角二兩。生南星二錢。糯米一合。共爲末。生薑汁調敷。立效。

天門冬和蜜搗爛爲丸。日日洗面卽白。

白石脂六兩。白蘂十二兩。爲末。鷄子白和。夜塗旦洗。

鷄子一枚。去黃。以硃砂末一兩。入鷄子內封固。伏雌鷄下抱。至雛出。取塗面。卽去。不過五度。卽見其效。

白殭蠶末。水和搽之。

■ 面上癩痕

面上有癩痕。用白蒺藜。山梔。各一兩爲末。醋調。夜塗。旦洗。疤痕漸脫。面目潤澤。用真玉日日磨之。久則自滅。

馬藷子。自落葉並子。煮湯頻洗。數次自消。

禹餘糧。半夏等分爲末。鷄子黃和敷。先以布拭乾。勿見風日三十天。雖十年者亦滅。

■ 千層瘡

破口時用新鮮橄欖核。無鮮者。用鹽橄欖核。以水煎去鹽味亦可。乾灰。和雞蛋油。以鴨毛調敷。

■ 鬚鬚

以煙袋之煙油。加水十分之一。煎之成膏。搽極效。

石炭酸五分。蒸溜水九十五分。抹之。一星期內即愈。

海螵蛸。白膠各三錢。輕粉五分。爲末。先以油潤淨。乃將末搽之。二三次即愈。

百草霜和猪脂和之。

雄雞頭三個。燒灰研。和水敷之。約數次愈。

白麩豆豉和研。陳醋調敷。

雄黃。猪膽汁。和敷甚效。

羊肉如作脯法。炙香。熱搗頭上。不過數次。自瘥。

■ 髮落重生

賈麻子汁。煮粥頰食之。自能生髮。

■ 髮槁不澤

桑根白皮。煮汁洗髮。或爲末。羊膏和塗。

■ 令髮長黑

生麻油。桑葉煎過去滓。沐髮。

棗樹根三尺。向東者佳。橫安甑上蒸之。兩頭汁出。收取敷髮。易長又黑。

■ 年輕白髮

將白蜜塗其拔去之毛孔。即生黑髮。如不生。取梧桐子搗汁塗之。無不生者。土馬驪五倍子。半夏各一兩。生薑二兩。胡桃十個。膽礬五錢。爲末。搗作一塊。每次絹袋盛少許。入熱酒浸汁。洗髮一月。神效。

沐髮令香

雞蘇煮汁。或燒灰淋汁沐之。

以佩蘭葉煎水洗之。可除髮臭。

小兒臭頭用硫黃二兩。信石少許。合研末。和雞蛋油。熬至乾。再調菜油抹頭上。用皮包蜜。不許見風。三四日後即愈。

又法用殺雞。取其熱血塗頭上。血乾再搽。三次。大約血盡。越日再殺塗之。後結疳可脫。生髮如初。

頭皮屑

山奈。甘松香。零陵香各一錢。樟腦二分。滑石五錢。共爲末。夜搽頭上。清晨蓖去。牛蒡葉搗汁。熬膏塗之。至明。皂莢子洗去。

瓦松曝乾。燒灰淋汁。熱洗。不過六七次愈。

□ 頭虱

藜蘆末摻之。

水銀和蠟油搽之。一夜卽死。

□ 美眉

晨起以五十倍之硼酸水。反覆洗其眉毛。更以刷浸於綠茶煎汁之中。竭力摩搽之。如是日久。眉際自現出非常之美態。惟斯時苟覺發癢。不可手搔。須以軟刷徐徐擦之。

□ 口臭

口中如膠而臭。知母。地骨皮。桑白皮。山梔。麥門冬。甘草。鹽湯嚙。早中汲井水第一汲水含之。吐棄廁下。卽瘥。

常含白梅。令口生香。

口中氣臭用香白芷七錢爲末。食後。井水服一錢。

藿香洗淨煎湯。時時含漱。

兒茶四兩。礪砂。桂花嫩薄荷葉各五錢。甘草五錢。熬膏作丸噙化。

唇裂

香油頻頻抹之。

橄欖炒研豬脂和塗之。

煉過豬脂。日日塗之。卽放。

桃仁搗和豬脂敷。

白梅花瓣貼之。神效。開裂出血者。卽止。

白荷花瓣貼之。神效。雖開裂出血者。貼之亦立止。

青皮燒灰。研豬脂調塗之。

用烏元參三錢。煎水飲。並潤唇上。

桃仁搗泥。和豬脂敷之。

煉過豬脂。日日塗之。

橄欖炒研。豬脂和塗之。

豬脂酒浸搽之。

□ 嘴角瘡

取新鮮杉木細枝一條。用猛火燒其上端。末端有白色之漿流出。卽取塗之。以湯罐底水。或鑊蓋上汽水塗之。卽愈。

砂仁壳。放瓦上火焙。研。數次卽愈。

燕子窠。連泥帶糞。研末。麻油調。

□ 美髯

五倍子一兩。銅綠三錢。炒紅。田醋淬之。醋不宜多。再炒再淬。如此三次。研碎。青礬二錢炒研。生鹽五分炒。先將五倍子研碎。同銅綠炒至出油。或團放地上攤冷。再將各藥研碎。用好燒酒調成麵糊樣。蒸至鏡面爲度。不宜久蒸。先用皂角水洗鬚一次。將藥乘熱濃濃染之。俟乾。用熱水洗去。其鬚光潤如漆。可保兩月不白。

□ 腋臭

龍腦一分。明礬二分。混和。研作細末。撒布腋下。頗驗。

礬末二分。小粉八分。撒布於棉。縛於腋下。時用香皂水洗滌之。其臭自除。

水楊酸三分。小粉三分。研和。撒腋窩。

田螺入蜜陀僧。麝香。同搗爛。捻成餅。掩腋下。縛定。其效甚良。用蒸餅一個。劈作兩片。放蜜陀僧。細末一二錢。急夾在腋下。略睡片時。候冷棄去。如係一腋狐臭。只用一片夾之。有人患此十有餘年。照此而斷根。屢試靈驗。

頂大蜘蛛一個。或蜘蛛兩個。黃泥包好。火內燒紅。取而候冷。去泥。加輕粉一錢。共研末。日搽數次。輕者二日即愈。重者三四日斷根。

汗斑

以礬砂研極細末。用黃瓜頭蘸而擦之。數次。即愈。更永無復發。

蜜陀僧末。以黃瓜蒂蘸擦數次。即愈。惟須先洗淨汗垢。然後擦之。

汗臭

洗浴之水加安母尼亞水二三滴。和水中。則肌肉潤滑。而其患可免。甚效。

龜裂

以酒酵猪脬洗并敷之。

五倍子末。同牛骨髓。填納縫中。即安。

入水後。即以乾手巾擦之。使無濕氣。更以兩手之背及掌。互擦至數十次。可免龜裂。

用樟腦油與安母尼亞擦之。亦爲大效。

白芨末。水調塞之。勿犯水。

以酸化亞鉛。和凡士林。羊毛脂三種。混合而成膏。擦凍處。即愈。

川椒四合。以水煮之。去滓。漬半食頃。取出。令燥。須臾再浸。候乾。塗猪羊骨髓。極妙。以生白果嚼爛塗之。亦效。

老絲瓜燒成性研。猪油和塗。亦效。

瘦手使肥

乾癯之手。浸沸水內。以可可乳油。或他種乳油摩擦之。五分鐘後。置冰冷水內。急

伸出。以毛布拭乾。熱水忽爲冷水所激。乳酪之屬。悉閉毛孔內。能使新肌肥發。

□ 指上肉刺

往往拔去復生。觸著甚痛。殊覺不便。可於入廁時。手在糞桶邊上磨之。越一宿。卽萎自落。

□ 雞眼

搗葶薺一個。和蕎麥麵少許。貼患處。不過一晝夜。便落甚妙。取萬年青葉。搗爛。敷患處。可以斷根。且極效驗。軟竹布塗松節油。貼患處。日換二次。早晚行之。其效極速。閱數日。雞眼自能消去。以生石灰一塊。如鈕大小。再以糯米與碱研末。同冷水少許調和。放小盃中。經二三。次。卽成糊。每晚臨睡。搽少許。數日卽愈。惟初搽時。須將雞眼用刀剔開少許。方有效力。

□ 足上生繭

以葶薺半箇。貼之數日。其繭連根脫出。切忌用刀。

用糯稻根泡在沸水中。將老繭浸入其中。連洗數日。漸漸薄。自能脫出。

□ 足上臭汗

蘿蔔煎水。頻洗數次。即愈。

□ 足冷如冰

生附子二錢。好酒麩二錢。共爲末。燒酒調敷足心。

□ 嵌甲作痛

以橘皮煎水浸洗。輕輕剪甲。再以虎骨末敷之。其痛即止。

□ 足丫奇癢

蚌蛤粉乾擦之。亦妙。

癢則用硫磺擦之。擦後再用硫磺厚敷。布包穿襪。一日一換。數次斷根。切不可用手抓擦。

□ 遠行足趼

水調半夏末塗之。一宿即消。

水和生麵塗泡上。即愈。

□ 遠行健步

細辛。防風。白芷。草烏各等分。共爲細末。凡人將行路遠者。先將鞋底內。用水微濕。將此藥摻勻於內。雖日行數百里。足不腫痛。

□ 痣

糯米一粒。浸濃鹹水中。俟柔軟後。挑取少許點痣。但不可太多。恐傷好肉。藜蘆末五兩。水一大碗。淋汁銅器內。煮成膏。以針微刺破點之。不過三次。即效。時用檸檬之皮擦之。即去。

可用稻柴心一條。向火焚之。即捲作團形。再用針挑破痣。將此灰塗上。略作痛。癩落後。泯然無跡。

盤螯三箇。苛性鉀一分。糯米一匙。鹼少許。共研細末。再加生石灰少許。盛磁瓶內。入清水化爛。約一日夜。點痣上。忌亂塗。因性烈太過之故。

□ 豎頭肉

一名千日瘡。以洋油塗之。數日即可脫根。良好之肌膚。每有多肉突起。既不雅觀。又爲贅疣。祇須用紅菱柄擦之。即不復生。

□ 白癩風

硫磺蜜陀僧爲末。搽之。

用水楊酸二分。甘草五分。酒精三分。混和塗之。

杏仁連皮尖。每早嚼數粒。揩癩令赤。夜臥再用。

白蒺藜子六兩。生搗爲末。每開水下二錢。日二服。一月絕根。

□ 紫癩風

醋磨知母擦之。日三次。

雄黃硃砂爲末。以茄蒂蘸擦。其風可活。

用硫磺白礬。等分爲末。每以黃丹。津液和塗之。一月則見效。

□ 癩疥

猪脂煎芫花。熬膏敷之。

蘭茹末。入輕粉香油。調敷之。

用胡桃肉數枚。搗爛。再以紅燭油與水銀三分。混和擦敷。奏效。

硫磺末以雞子煎香油。調搽極佳。

川烏頭生切。以水煎洗。甚佳。

凡士林入硫磺末。調和敷之。極驗。

□ 癬

狼毒末塗之。

皂角和醋熬煎成膏。塗敷患處。數次便愈。殊驗。

羊蹄根杵絞汁。入輕粉少許。和如膏塗之。三五次愈。

石炭酸五錢。橄欖油一兩。薄荷油一滴。混和。分蘸毛布。貼患處。

每用胡粉盛絹袋中。撲之。能絕根。

□ 牛皮癬

用黃牛皮一塊。燒成性。加麻油調和。以鵝翎拭患處。百發百中。無一虛乏。
石榴皮蘸明礬末抹之。自愈。

□ 荷葉癬

檣樹皮爲末。醋調。重湯煮如膠敷之。

荷葉蒂晒乾。研末。香油調敷。數日脫去厚皮一層。癬則不復發也。

□ 鱗屑癬

撒爾沙根一兩。茴香五分。薄荷葉一分。湯煎。作三日服。數星期愈。

□ 梅花癬

用清油一碗。以小竹子燒火。入內煎沸。瀝豬膽汁一箇。和勻。剃頭擦之。二三日即愈。勿令日晒。

□ 咬花癬

以生薑浸高梁酒內。取出。擦諸患處。其效如神。

□ 風疹

蠶沙一升。煮水去滓。洗浴避風。其疹即退。

赤小豆荊芥穗。等分爲末。雞子調塗之。

枳實醋浸。火炙熨之。即消。

牛蒡子炒浮萍等分。以薄荷湯服二錢。早晚各一服。

白朮爲末。酒服一匙。日二服。

赤土研末。空心溫服一錢。

□ 痲子

升麻煮服。並洗之。

乾東壁土末敷之。隨手而愈。

綠豆粉二兩。滑石一兩。和勻撲之。或加蛤粉二兩。亦佳。

□ 漆咬

宜速用芥菜煎湯洗之。即愈。

宜急取羊乳塗之。

坐板瘡

絲瓜皮焙乾爲末。燒酒調搽。

蠶豆莢殼燒灰。菜油調搽。即愈。

黎明摘桑葉。取之白汁。以磁器承之。搽患處二次。即愈。

凍瘡

橄欖核燒灰存性。研末。加輕粉少許。香油調搽。即愈。

鴿子糞煎水洗。但不可入口。

三伏日。以青辣椒數個。用剪剪開。將剪處向凍皮上頻頻擦之。使辣汁擦透。少頃即灼痛難當。須忍耐之。必無可如何時。方許入冷水洗去。以後交冬。無論如何。永不會生凍瘡也。累驗。

用生南瓜切片。擦患處。覺熱即換。早晚二次。行之以數日。累驗而必愈。

用隔年冬瓜皮。及辣椒。伏日燒水洗之。即不復發。

蘿蔔菜橘皮。煎湯先洗。用蟹殼燒灰研末。麻油調敷。神效。柿子皮煨灰存性。熟菜

油調敷。七日必愈。

暑伏時。搗大蒜爲泥。敷在上年生過凍瘡之處。過一日一夜。洗去。三四日後又敷一次。以後雖極寒。亦不會生凍瘡也。

老絲瓜燒存性。和臘豬脂塗之。

臨臥時。用棉花浸洋油。包患處。數次即愈。皮破潰爛者。取大黃末。用水調敷。即可止痛。

櫻桃搗汁。擦患處數次。冬日永不復發。惟以後宜切忌慎勿再食。

皂莢寸許。入火爐。燒煙熏患處。未破者日熏三五次。已潰者多至十數次。無不立愈。奇妙無匹。

生薑自然汁。熬膏塗。

五楞子煨研極細。以麻油調搽。濕則乾。乾則濕。數日全愈。此乃祕方。

兩腮赤腫

又曰。疥腮。俗名撐耳風。治法以燈心一根。點油燒之。在虎口之下寸許。手背微窩

處燒一下。(左腮燒右手右腮燒左手。)半日即消腫。或燒少商穴。輕則用靛花。或磨鹿子搽。重者則用大黃白芩。五倍子共爲末。雞蛋清調搽。

□ 面浮油

冬桑葉煎濃汁收貯。冬月早晨。用一酒杯。攪入水內洗。光滑如鏡而面亦不凍。

□ 眉上生瘡

肥皂(燒存性)枯礬(要燒透)各等分爲末。麻油調塗。先用白礬水洗淨。

□ 眉毛不生

生旱蓮草搗敷。數日即見生。

桑葉七片。日日洗之。一月復生如舊。髮落亦然。

黑脂麻花陰乾爲末。以黑脂麻油泡之。日搽數次則可以見生。

□ 唇疔

取野薔薇花根。上皮搯絨。酌加黃柏末。和勻做小餅。貼患處。須更換。將疔拔出爲度。

唇菌

乃由心脾熱毒所致。形狀嘴唇。陡然翻突。形如猪嘴。無藥可救。急燒兩手少商穴。一面以蚯蚓搗爛。吳萸二錢加灰麵少許。熱醋調敷兩脚心。用布捆着。以愈爲止。又用活癩蝦蟆一箇。破出血。仍照上口脣緊小等一二方治之。或此時方可效也。用糖雞糞敷之亦妙。

繭唇

又名藩唇。初起口緊。不能飲食。若不急治。難效。須用新白布作捲。如酒杯大。燃燒。放刀口上。俟刀口汁出。搽之。日十餘次。並以青布燒灰沖酒服。極效。

皂角末少許。水調塗之。

黃連一分。乾薑半分。炮爲細末。敷之。

硫黃白礬。枯朱砂。水銀麝香。黃蘗爲末。和水銀磁器中。臘月猪脂。和如泥。先淨拭唇。却以膏塗之。

蛇蛻燒爲末。先拭後敷。

用鼈甲及頭燒研敷之。

唇急作痛。五倍子。訶子肉。等分爲末。傅之。

口乾

口乾用元參二三片。含口中。便生津液。大佳。

麥冬一兩爲末。大棗肉三十箇。以蜜一升。和令熟。用米五升蒸之。任性服。自效。

口瘡

用陳皮螺螄壳燒灰。加兒茶少許爲末。吹入患處。一次卽愈。諸疳悉治。

硼砂二錢。兒茶二錢。薄荷二錢。(水飛)冰片五分。共爲末。搽患處。

脾熱口角流涎

焦朮。滑石各五分。扁豆。茯苓。石斛各三錢。黃連二錢。葛根一分五厘。甘草一分。共爲末。燈心湯調下。小孩每服一錢。大人每服三四錢。

輕粉三分。硃砂。明雄各七厘半。冰片四分。爲細末。先用薄荷水。或茶。漱其口。將藥吹入。應驗如神。或用人中白散治之亦效。

黃柏。蜜炒。研末。搽之。神效。

宜服輕粉。口破者。用三四年神醬化水。時時含水而漱之。可愈。

□ 灌甲初起

用磁鋒於甲上削去一層。並用枯礬末敷之。其效如神。

□ 油灰指甲

每日取鳳仙花（又名指甲花）連根蒂葉。搗敷指甲上。用布包好。一日一換。匝月乃愈。

□ 手指掌厚

苦參。酒煎服。外用苦參末酒敷。極效如神。

皮膚病終